

綿津山人詩集

附楓香詞

漫堂說詩

貞



10750

綿津山人詩集卷二十七

商丘宋肇牧仲

滄浪亭詩

滄浪亭

滄浪之水清且漣亭子結向滄浪邊滄浪之亭幾  
興廢滄浪之水今依然蘇州南園最幽曠池館創  
自武肅年厥後踵事非一姓轉眼變滅隨雲煙湖  
州長史昔貶謫愛此卜築將終焉輕舟野服恣歡  
傲援琴命酒樂靜便長史作記歐公賦金鐘大鏞  
聲相宣斯亭遂與人不朽買得只用四萬錢曰余

綿津山人詩集

卷二十七

滄浪亭詩

嚮往自弱歲今宦於此嗟華顛手捉孤篁徧探歷  
荒岡突兀臨長川方花古礎纏蔓草幾株喬木仍  
叅天都官園空接斷壠蘄王廟在餘數椽老夫顧  
此願修復勝事官令他人專伐石作亭懸舊額

衡山

書

爰飭祠宇肅豆邁蘄王英魂定來此會與長史

相周旋觀魚處敞儼對鏡自勝軒小疑乘船隔城  
山色落衣袂步碕矯首聊遲延迴廊略約紛點綴  
管領風月凌平泉山僧野老共登眺央央旂旄卻  
勿前官熱心冷每自笑山林痼疾良難前左司文  
章久避席白傅遊宴或比肩綿津滄浪忽對舉西

堂尤悔意厚語則偏吳人好事更好我任教畫作  
屏風傳

臘月十六夜虎丘看月四絕句

放衙忽憶虎丘月到空山月可中一段新聞任  
傳說愛閒無過使君公

鐘磬不聞僧閉關池光樹影共蕭閒掃盡笙歌與  
羅綺而今真識虎丘山

千人石上一杯酒望古情深獨慨然滄浪亭子結  
纜就又欲搜尋到五賢

別蘚辨出題名字敲門買得水仙花歸來與兒作

綿津山人詩集

卷二十七

滄浪亭詩

詩話直到嚴城鼓四槓

早春送顧俠君應試入都兼寄阮亭侍郎慕  
廬閣學二首

爾去賦長楊年纔二十彊聲名動京國特達自主  
璋江雨征颿濕梅花祖席香老夫惆悵處未與泛

滄浪

時滄浪亭初成

正值芳春候長歌向國門元詩攜在篋使君有元詩選易  
酒快盈樽遊屐碧雲寺鄉心紅杏村故人樂弘獎

遙想過高軒

望九龍山積雪弔王孟端

每過九龍山竟日得怡悅况茲清景殊晴峰戴殘  
雪積素嵌翠微圖畫造物設維舟獨延佇時時叫  
奇絕舍人煙霞胸雲巢舊曾結妙筆黃王閒得力  
此巖穴遺踪欲相訪好待芳菲節

妙高臺拜東坡佛印銅像

誰鑄二銅像曰東坡佛印相對儼問蒼氣宇一何

俊坡翁長不死

東坡詩云請學長不死

望竝雲峰峻高興雷

玉帶永作山門鎖印公霹靂舌觸處機鋒迅與髯  
相周旋其人已千仞我來妙高臺天畔策一振肅

然仰二公再拜瓣香進捫壁讀劄子

壁勒東坡小札

江風

綿津山人詩集

卷二十七

滄浪亭詩

三

吹短鬢黃昏月東升鐘鼓蛟宮震

丙子正月丁卯日過丁卯橋

我讀丁卯集輒思丁卯橋佳話偶然耳流傳年代  
遙訪古潤城南曲港通江潮夾岸幾家住煙火晨  
蕭條石梁跨其上來往惟漁樵欵欄與壞柱風物  
仍前朝吟魂不可接綠水空迢迢酌爾一杯酒爲  
爾賦大招是日又丁卯一笑羈愁消登舟對新月  
掉頭起長謠

舟夜風雨聞吳歌二絕句

望亭南下水迢迢孤舟風雨寒飄蕭攪人一夜不

成寐時有吳歌入耳遙

十三女兒雛鶯聲宛宛轉轉清復清  
楓橋燈火半明滅  
羈人此際難爲情

登華山絕頂望太湖歌

十年六作華山遊未暇一踞華山巔  
石佛巖邊小探討便同棲翼尋歸船  
今日風日大晴好遊興勃發勇無前  
招提纔到不住脚拮据負笠凌蒼烟  
寺東曲逕稍可辨僧徒導我相夤緣  
欄層延佇歧野鹿嶺脊騰上追飛鳶  
松風送我到絕頂境忽巨坦堪受塵  
乾坤之勢盡在望北固題句知良然

北固山有

綿津山人詩集

卷十七

滄浪亭詩

四

乾坤勢盡來題句

三萬六千頃震澤濤山浪屋當空旋七

十二峰互掩映晴雲破碎爭綿聯  
蛻旌芝蓋紛來

下毛公聖姑如覲焉俯視天池翳榛莽  
晶瑩一勺

餘寒泉崑山虞山兩螺耳岸峒拾取須  
米顛道人

謂自求上人

繼至把杖揖相與長嘯驚高天  
峰西巨石

半僵立攢成蓮瓣磨星躔蹙踏犇峭  
氣屢鼓攀附

藤葛手欲腓漸下蓮華歷蓮子硯礪  
幾簇蒼苔纏

聞古尊宿曾住此吾擬結茅食且眠  
九年面壁或

有待一官嚼蠟何難捐入寺飯罷日  
垂沒靈鼉催

客聲齧齧登舟覓句卻鼓吹燈下獨  
聳彌明肩

題心壁師萬里一歸人卷

父母恩難報經云右肩負父左負母是知方袍禿  
頂身未便二人等敝帚邇來靈巖繼老人禪室定  
省意獨厚心師繼公之猶子家本滇池住廬阜經  
營開先自打柴夢寐庭闈每頰首今秋瓢笠去飄  
然萬里歸人爲親壽緇侶贈詩山人圖羅飯  
牛筆茲事  
流傳堪不朽寄來卷軸到吳江展閱數過卯及酉  
堂上有佛師徑尋卷尾無句余良忸南陔白華亡  
其辭欲賦踟躕難下手點蒼洱海渺南天想見扶  
筇此中走

綿津山人詩集

卷二十七

滄浪亭詩

五

附  
和前韻

長洲  
九

恂  
悔菴

我聞佛說盂蘭盆大目犍連爲尋母云何末劫  
鴛鴦羅剎折骨肉掃如帚廬山道人出世閒眷  
戀庭闈意偏厚遙望點蒼多白雲拄杖飄然去  
香阜千佛名經總不持獨寫維摩詩一首蓮華  
煮飯甘露漿萬里扶攜爲親壽始知四大等虛  
空惟有孝思堪不朽他日歸期定浹辰此月行  
程方指酉回看大衆滿伽藍無地報恩眞忸怩  
綿津山人善護法新詩彈丸纔脫手泥牛解吼  
木馬嘶我亦願隨牛馬走

題高穆園太常山水小幅

太常丰格儼神仙翰墨場中老鄭虔流傳片紙雲  
煙在感舊題詩一惘然

春日雨中同靳熊封兒至過滄浪亭二首

客有來南國亭因問北碕三人同策杖一雨恰露  
衣溪水春全漲梅花濕不飛觀魚高韻在臨眺獨  
依依

尚有靳王廟難尋梅氏園迴廊聊聽雨小院一開  
尊繡嶺生遙慨熊封來自秦中  
迹驪山甚悉滄浪且避喧胡爲

君又去愁思滿川原

綿津山人詩集

卷二十七

滄浪亭詩

六

附 步前韻

至

客問滄浪勝相將過北碕林光初度雨水氣欲  
侵衣失卻青山色翛然白鷺飛最憐新插柳春  
淺早依依

步向亭南望人傳梅氏園風流總銷歇覽眺自  
琴尊野寺昏鐘發清溪急雨喧願言停短櫂花  
事訪郊原

春晚過滄浪亭四絕句

遊魚雨後撇波聲宛轉溪橋拄杖行一段斜陽明  
野岸菜花時節正宜晴

荒岡野水無人境，亭外閒花次第開。  
卻笑吳儂真好事，送春都向此中來。

逶迤石磴坐清陰，數罷魚兒聽鳥吟。  
五年白首姑蘇客，一樣輕舟野服心。

虎丘歌板中秋夜，元墓梅花驚蟄時。  
不似此亭多古意，到來先辦一篇詩。

初冬過滄浪亭寄尤悔菴

滄浪亭畔刈稻了，倚杖看山又此迴。  
野水鴈飛荷葉爛，故鄉花送牡丹來。  
經營是處宦情別，歌板古人生面開。

時有滄浪亭傳奇

寄語西堂八十叟，石欄點筆

綿津山人詩集

卷二十七

滄浪亭詩

七

待追陪

遙題江陰顧山寺茶花三斷句

野寺山茶信一奇，春風遲日動遐思。  
幹蔽七樓紅十里，傳聞如此招提端合喚花之。

青州有花之寺見周櫟園侍郎集

老幹凋枯已百年，孫枝合抱復嫣然。  
嗤他拙政園中樹，浪得梅村賦一篇。

吳梅村祭酒有拙政園山茶歌

虎丘玉蘭不一賞，滄浪桃花也欠詩。  
山茶句子山僧乞，恰值新年發興時。

附和前題

高郵李必恒百藥

顧山山寺寺清幽，都勝花開照眼稠。  
不是祇園



清淨地定應著作小紅樓

花色深者  
名都勝

八寶珠光耀蚌胎鄂君綉被擁成堆忽然十里  
無顏色袖裏中丞錦字來

題吳闡思畫四首

空山喧瀑布老樹隱柴門一徑青苔色幽人不出

村

溪水自淙潺溪堂永日閒莊騷讀未了林際暮鴉

還

山人寫夏山尺幅煙嵐起遠追鶴山樵近竝石谷

子

綿津山人詩集

卷二十七 滄浪亭詩

波影遙空接雲光疊嶂含岡頭有茅屋知是米家

菴

海嶽  
菴也

詠日本山茶二首

淺紅朵朵小盤盃顏色翻憐過寶珠欲把鵝溪圖

異種徐熙手筆此時無

海舶春風初到時空簾微雨挹芳姿從來邢尹多

相妒盼咐牡丹開小遲

雨後由滄浪亭過南禪寺慨然有作

寺爲白  
樂天舊

遊地曾貯文集  
寺中刻碑紀事

鳩鳴宿雨收日出輕煙泮寓公不暇懶踏屐滄浪

畔沿波沙鳥明侵橋菜花亂遠岫列空亭濃翠撲  
人面境幽環矚佳彷彿茱萸泝偶謝纓佩羈頓使  
腰腳便訪古過南禪逕曲苔紋徧老屋但鐘魚危  
樓尚霄漢鉢插零落桃龕舞呢喃燕往者香山翁  
招攜此游宴風流不可及玉局舊曾歎忽忽數百  
年不異卯酉換藏書委蔓草勝事逐激電惟餘千  
个竹清陰滿別院緊余景前修坐迨昏鴉返叶生  
平鹵莽性擬就初地繕梅檀執惱除飴粥殘僧伴  
還同老居士刻碑記發願

遊黃山

綿津山人詩集

卷二十七

滄浪亭詩

九

新安黃山不得遊姑蘇黃山聊一訪開門鼓罷命  
輕舳激灑橫塘水新漲夾岸菜花黃到天拔地雲  
峰碧如障老夫癖好過康樂繫纜攀藤覺神王伐  
石野翁連袂迎牧牛小兒折花餉稚松巨石相參  
錯鳥道紆迴頗倚杖寶坊址在費追尋貴主墳空  
足悲愴山中舊有法雲寺及陳國長公墓今俱無有僧導我虎洞憩  
意頗慙懃語全妄顧茲巖壑了無奇卻有湖山得  
彌望洞庭波白衆山青應接不暇旅懷暢相看伯  
仲是橫山崖窿一卷敢相抗歸舟摹寫掉頭吟自  
笑今朝脫官樣

春日過訪葉星期二弃草堂不值二首

柴門寂歷豆花香

蠶豆

一曲清池對草堂  
常日觀魚

人似鷓鴣也應喚作小滄浪

余署中有小滄浪

別圃幽幽境愈奇  
春風籃輦爾何之  
小山叢桂清

陰下想見蒼茫獨立時

書室題蒼茫獨立處

韋菴閒興示百藥兼寄子湘

聽罷旗門鼓二搥  
深沈庭院靜無譁  
鞞紋碧沼飛

新燕亞字朱欄護  
好花老興自憐追  
白傅驚才近

喜得劉又韋菴聯句  
須髯急悵望蓉湖日  
又斜

子湘

家芙蓉湖

綿津山人詩集

卷二十七

滄浪亭詩

十

題李工部竹邨小照四首

窈窕溪山到眼清  
蕭疎無復世閒情  
阿誰踞石披

襟坐盡日松聲與澗聲

不事瞿曇不學僊  
臨流把卷意翛然  
溪雲過樹溪

鳥寂坐讀南華秋水篇

簣簣萬个蔭清淪  
冷艷秋花幾簇新  
解道忘機同

海岸飛來鷓鴣也依人

屏除騶從愛菰蘆  
風度何人貌得殊  
旦晚頭銜知

又換合將泉石讓狂夫

香嚴寺看菜花畱贈紺池上人二首

爲赴山僧約南邨看菜花黃雲晴野布綠樹道場  
遮入院惟聞磬隨緣且喫茶西堂誰貌取鶴骨聳

煙霞

寺有九悔  
卷小照

開軒仍在野讀書卻通禪

時攜畫  
卷共玩

偃仰香如此林

丘靜渺然竹鷄喧暝色江月破春煙詠罷淹歸騎  
從師促和篇

池上作次樂天韻

韋菴之南竹森森深淨軒東波沈沈小滄浪只一  
勺耳此閒跌蕩江湖心午衙放罷必周覽夜案了  
卻或靜臨洞庭三萬六千頃雲濤那用扁舟尋怪

綿津山人詩集

卷二十七

滄浪亭詩

十一

石欹柳得位置階庭寥廓橫古今鬪茶遠道致日  
鑄玩畫小幅縣雲林棲遲已過五寒食手栽桐桂  
清陰深緯蕭目斷渦河渚飯僧心切嵩山岑撥悶  
聊和池上作悠然手弄無絃琴樂天是處有真樂  
何須海岸方投簪

高江邨詹事以龍井茶見餉賦此荅謝

江南春半茶事動老夫幽夢挂碧巖虎丘舊種鏟

已盡陽羨佳品心所欣小峴春作梅花片

六安茶  
各小峴

春近製梅  
花片最佳

年來羅致余能兼穀雨已過山塢曉焙

香幾處吹茅檐江邨詹事抱茶癖龍井手製馳郵

籤銀絲冰芽竝珍重白甌青筠勞封緘山瓢急取  
酌惠水折腳石鼎安風簾松濤響罷注縹盞清芬  
拂拂浮晴嵐笑他七椀眞水厄小啜已令俗韻砭  
緬茲嘉木出勝地辨才玉局曾遙探性芳味永正  
可錄中郎何事相譏讒袁宏道評龍井茶作草氣包裹那許鑽  
權倖唐突未敢加薑鹽滄浪一杯澆子美酬和七  
字促邵穎子相從此漫堂開湯社舌本不强容高談

附和前韻

長蘅

古人品茶例烝碾團龍喬雲誇芳甘縷金屑餅  
失本性有如玉環脂粉嫌今人品茶重烘焙揀

綿津山人詩集

卷二十七

滄浪亭詩

十三

芽抽葉勞摻摻土銼松薪夜火活三更煙白月

挂檐焙成青蕪旋包裹韻香色味百不嫌滄浪

寓公

先生自號

今詞伯琢詩戰茗嗜頗兼碁盤北苑

小峴春品題甲乙排幪籤我來偶直穀雨過櫻

桃映盃燕入簾邀我啜茗坐石上渴羌鼓隴驚

胡貪公言此茗出龍井石乳雲液叢幽岳論文

舊遊得高適武林遠寄分緇匳呼酪蒼頭不冝

受禿管城子聊戲拈公詩堅壘提一律草木臭

味供鑄劔野夫欲和愁險韻霜須斷莖口銜箝

且放退之教獨步何如玉川六椀七椀餘黑牯

和前韻

必恒

龍井之泉出天目一泓石罅流瀾瀾禪老辨才  
劇風雅汲泉湖上供子瞻何年產茗入包貢名  
與顧渚誇東南江邨先生好事者先春采撷窮  
林岳揀製揉焙出新意雀兒鬪語開萌尖鍼芒  
微粗麥顆小一兩直可抵一縑商丘公雅同臭  
味遠道裹致題紅籤是時愁霖罨春曉公憂無  
麥心如憐開槭破悶忽色喜石鼎活火吹風簷  
惠山水遞况新到烹魚恰得熊蹯兼須更浮碧  
官字盞色香味勝清而甘餘瀝分霑及賓從未

綿津山人詩集

卷二十七

滄浪亭詩

十三

到口覺華池恬一椀兩椀啗興發青門逸叟來  
掀髯競拈新句霏玉屑我詩蹇澀空詒謏忽憶  
武林巖壑天下勝對此佳味心彌耽布韞青鞵  
他日到酌泉煮茗尋僧龕

和前韻

士奇

雨中石花長雲竇春半月生松巖

國史補石花明月皆

茶浮盃不入將軍腹潔色長得詩人悅吳中開

府季卿匹清事每許常陸兼

語林常伯熊因陸羽著茶論李季卿

宣慰江南名伯熊又義興秋片六安藥開籠老

有薦羽者兼名之

翠浮晴簷西湖佳種數龍井火前鴉嘴如排籤

野夫摘香手自焙翦絹穿篋親包緘青猿急遣

致鈴閣花陰晝靜緞鬢簾石銚火活湯鼓浪竹

廊風定煙凝嵐非獨雪煩且破睡嘔酸滯冷何

勞砭東坡詩草茶無賴空有  
各性滯偏工嘔酸冷座閒嘉客我未與

案頭險韻公先探解人自謂獨知味君子由來

不信讒中丞詩云中郎何事相譏讒袁  
中郎言龍井茶時作草氣也品題堪

破毀茶論音節如歌疎勒鹽何時紫甌得共坐

紅蓮幕下攜蒼髯謂子  
湘各搜文字五千卷玉川  
詩云

三碗搜枯腸惟  
有文字五千卷滄浪亭際資清談

步前韻

至

經旬病酒苦肺熱頗思啜茗當山巖日鑄半甌  
聊止渴隔年香味惜不兼昨者蠻牋來吳會字  
帶龍井之煙嵐曰高江邗饒茶癖筠籠小摘周  
林岳雨前雨後分甲乙旗槍烘焙矜親拈長於  
雀舌細於粒霏霏玉屑何尖纖筍紉束束快持  
贈爰博酬倡詩篇三盤空硬句得未有風韻與  
莽還相參遠道莫能惠煎淪屬和箭急催中男  
遙憶芳鮮餽春暮牡丹花正開韋菴一吟一嗅  
總清絕舉頭明月凝湘簾佳品固應共佳客左  
攜短李右邵髯梁溪水遞不少缺膩白如乳盈

瓶甌蟹眼纔過松濤起瓦爐活火須頻添六安  
梅片豈娣奴敬亭綠雪同封緘卻笑古人非知  
味或春或碾勞窮檐龍團鳳餅失本性况復猥  
瑣加薑鹽我昔秧鞋踏靈隱咫尺龍井未獲探  
坡老辨才化已久誰識此種清而甘讀詩疑茶  
露齒頰今宵幽夢縈江南

入韻題王勤中柳塘聚禽圖

疎柳殘荷弄細颺野塘斜日聚禽時等閒寫出無  
人態都是王維畫裏詩

戊寅七月一日夢入山亭看竹旁一人曰此

綿津山人詩集

卷二十七 滄浪亭詩

十五

堯峰老人故居也愴然有作醒而僅記末句  
因足成之

堯峰遺老不可見夢入空山舊草亭風梢月影無  
人蹟賸有秋陰一片青

黃海山花圖詠二十首

有序

楚州雪莊悟公住黃山之皮蓬性孤高有花  
癖尤擅繪事時時含丹吮粉於幽厓邃壑中  
貌人閒未見花久之成帙新安吳生綺園箋  
其名寄余平江官舍戊寅七夕攜過滄浪亭  
流覽一再過各卽其名狀而疏之竝繫以詩



用補山志之未備其中數種不可名亦不能  
詩姑闕之

金縷梅 似蠟梅而瓣如縷春日開時翩  
翻欲舞

春林發異香縷縷雕黃玉已將寫作圖還擬製爲  
曲

撚蠟 亦似蠟梅一苞四五朶其開也以  
春杪

丰格儼蠟梅一苞四五葩月明林下時幽香應倍  
加

綿津山人詩集

卷二十七 滄浪亭詩

十六

旌節花 老藤上作花行行垂如旌節色  
淺碧黎州漢源縣亦有之

老藤作碧花鬢鬢如旌節歲歲春風時長聽花神  
挈

春桂 似桂而五出三月開

連蜷淮南叢山礬應第畜惟有七里香高韻同空  
谷 山礬亦名春桂七里香江右最多

海罽花 生雲海春日遍厓谷紅色深淺  
相錯至鋪海時爛然雲錦矣彷彿睡香而  
差大

海廟奪蜀錦爛熳雲海張大似廬山谷春深放睡  
香

櫻珞花 色黃碧幽情澹冶清香雋永有

垂柳之態

櫻珞何澹冶香在衆花右  
憐渠窈窕姿還過永豐柳

黃桃 與桃無異但花跌先實耳

黃桃跌先實折來自樵叟借問武陵人  
舊曾見此不

山櫻 木本竹葉初夏作花實如含桃

綿津山人詩集

卷十七

澹浪亭詩

十七

朱顥類含桃瑣瑣摘盈把趙昌化工筆好竝青梅

寫趙昌有青梅含桃圖

紫雲花 花深紫日光下燭晶然凝望

紫雲花卽雲光彩不可狀想見白頭僧含毫向千  
嶂

木蓮花 在慈光寺前高柯成圍密葉蔽

日冬不凋花肖白芙蓉惟房的不類四五

月開香聞數里山中無二本

木蓮千載花香光照禪席記取謫仙詩五月雪中

白

玉鈴花 樹高大龍蔥夏月碧陰中白花  
串串有類雕刻香甚

長夏碧陰中白花綴串串分明追琢成縹緲沈水  
薦

香杜鵑 杜鵑處處有之此則高幹濃香  
迥異凡種

高幹盤雲上濃香浮谷來問他殷七七頃刻可能  
開

石蘭 一莖一葉一花色紫生峭壁上

石蘭種大奇莖葉花皆一形穎賦左思其爲此物

綿津山人詩集

卷二十七 滄浪亭詩

十八

必

查葡花 木有芒刺四月開小黃花如丁  
香其結實也如丹砂

花略丁香同實則丹砂似煌煌北征篇摩寫曾到  
此

覆杯花 攢生葉底空中下垂似鏤竹髹  
朱而成

覆杯花空中垂垂葉底積鏤竹而髹朱天公劇游  
戲

仙都花 生仙都峰下古幹屈曲花一苞

七八朶望之如芙蓉而特香綠心如拳三  
年一放放則葉下披如相讓然

色借秋江遠林開仙境深老猿偏愛此三歲一來  
吟

傲雲花 形色似木蓮自夏徂秋香不斷  
葉亦微馨悟公雲舫四圍皆此樹

雲舫周遭樹依稀菡萏香暢師相對處晴雪落繩  
牀

鵝羣花 藤屬葉似菰蔣秋日著花宛然  
鵝也

綿津山人詩集

卷二十七

滄浪亭詩

十九

山花多奇狀尤奇此鵝羣誰向清秋日折遺王右  
軍

壘雪花 花如翦雪中含一壺盧九月開  
霏霏壘雪花中有一壺韞巧疑滕六裁幻許長房

隱

紫綺玉環 草花也頗肖二物

草花殊狡獪刻畫閨幃間既吐一片綺復配一雙  
環

綿津山人詩集卷二十七終

綿津山人詩集卷二十八

商丘宋 榮牧仲

滄浪亭詩

康熙己卯三月十有六日恭紀

聖恩詩做柏梁體

皇帝聖德煥陶唐三十八載大化翔邊徽寧謐樂  
時康曰厯咨警維河防周巡淮甸區畫詳無勞璧  
馬沈宣房省方勵俗來吳閩賜租肆赦濊澤滂廣  
搽巖穴寬征商湖山增勝衢歌揚臣犖承乏職封  
疆瞻觀蹈舞屬車旁拜賜 御書恩浩洋仁惠誠

綿津山人詩集

卷二十八

滄浪亭詩

民額臣堂懷抱清朗褒殊常臨米芾書繚綾光天  
馬賦卷五丈強謙德末署做其昌墨搨淵鑿龍劑  
香淳化閣帖難頡頏耕織圖冊勤農桑幽風七月  
將無同叶 載拜筵書聞鴈章驪珠的皦驚奉將解  
推寵渥方未央紫貂狐白分 御裳東珠之帽光  
熒煌羔皮之鞞出玉牀鹿脯雞腊珍上方駢放羅  
列飼與羊是時觀者如堵墻盛事傳播到八荒史  
臣紀載久愈彰涓埃何以荅 聖皇中心屏營臨  
淵冰叶 末路刻勵詎敢忘拯救災患除莠稂稍釐  
高厚歸故鄉白鷗浩蕩浮滄浪

附前題

長蘅

皇帝三十有八載乘春出震巡南陲河蓄衍溢  
蓄淮泗自臨捷石拯阻饑遂浮大江下吳會駕  
六蒼蚪翳華芝吳有賢撫臣曰某地大物齎誠  
難治 帝曰汝某子汝嘉仁惠誠民有褒辭

御書四字字徑尺榮光休彩天昭回淵鑒齋帖

放一束宸章駢羅九瓊奇五緯垂芒峙五岳

共五龍騰天門鳳翽岐耕織繪圖詎游戲邠風

無逸屨民依傳詔又賜袍與帽帽珠煩黃光輝

輝袍織蟠龍龍五爪貴從 聖躬親解衣鹿脯

綿津山人詩集

卷二十八

滄浪亭詩

二

麕尾分玉饌上尊黃封苞縹瓷奉擎稠疊恩數

異跪拜九叩 天顏怡是日百僚盡陪位虞廷

肅穆班臯夔 帝念臣廉賜予渥煇煌 天語

臣聞之從官橐筆書諸冊得賢臣頌千秋垂鯁

生幕下偶欣觀盛事得不傳歌詩如公十輩布

中外宣上德意普澤施賜租復繇歲屢穰 帝

垂衣裳萬福來中和樂職應有賦王褒筆札生

能爲

前題

錢唐馮景山公

填星如瓜光照海馮夷率職狂瀾改九曲川后

迎蒼蚪虹艦蜺旌煥天采康熙三十八年春羽  
葆耀日臨河津塞薪捷竹 帝來巡 帝尤念  
此江南民三吳以北迄淮甸噢咻衽席登清晏  
七載旬宣播 上恩廣平奉揚光風溫 帝曰  
惟汝世臣實良吏仁惠誠民朕所貴 御書擘  
窠燭榮光龍跳虎臥松肪香法帖十冊搨硬黃  
吳綾草聖南宮彊便面平戎製宸章璽篆齧硃  
押圓方耕織繪圖重農桑又書懷抱清朗四小  
字勅楔蕭齋增燕喜 御書共  
五種 特賜朱纓冠帽檐  
金縷盤木難一顆珠光寒狐腋袍龍織五爪短

綿津山人詩集

卷二十八 滄浪亭詩

三

後貂緞錫阿縞長勒鞞繡鉞神巧 共四種 解衣賜

著穩稱身瑛盤又出天廚新食單夜燒白鹿尾

玉膳雞膏漬糝美熊蹯豹胎味莫比黃羊二牽

流沙來絳雪一苴玻璃醅 共四種 北面拜登九頓

首 帝嘉乃功不去口殊恩創見破常例春官

侍郎呼萬歲省方愛民惡持祿褒一以風九州

牧有不吾信觀江南七郡左轄五十三晨饘午

飯夕醑酣電鞭迴馭纒紅蠶祝釐爐烟裊月竈

鶴髮炷香壽 皇帝

三月十九日

上駐蹕吳門

命臣犖恭進詩集竝蒙

天語垂問臣子至恭紀二首

性耽嘯咏自髫年寒食春城句浪傳今日蒙恩

宣索去好將御覽署殘編

準敕偏教進惡詩生平遭際算來奇麤傳家學田

間子又向雲霄荷

主知

李肇國史補曰唐淮南進崔叔清詩百篇德宗

曰此惡詩何用進時謂準敕惡詩

### 鶯脰湖二絕句

垂虹亭畔峭颿開鶯脰湖中激箭來我是滄浪濯

綿津山人詩集

卷二

滄浪亭詩

四

纓客寄聲鷗鳥莫相猜

孤舟落日漾波心湖樹湖烟四望深空際一聲聞

款乃釣徒何處許追尋

### 扈蹕西湖紀事

平生慕西湖聞說便神王吳越咫尺耳七載勞悵

望何意奉宸遊夙懷得一暢朝出湧金門耳日

忽清曠水潑葡萄醅山矗翡翠障白蘇勾畱處西

子譬允當追隨豹尾閒未敢策筇杖聖情厯民

依物外聊探訪御墨灑湖亭勾陳入雲嶂召

許侍從臣小憩就畫舫亭午獨徘徊迢遞聞漁唱



六橋宛浴綠兩峰屹相向指點從山僧脫帽迴堤  
上瞻拜武穆墳酌酒發悲愴還過冷泉亭兀坐茶  
烟颺奇峰真飛來驚歎莫能狀勝地難久停歸趁  
湖波漲道人索題詩畱待後來償殘陽挂斷塔古  
色落穢榜薄暮趨行宮劔珮依仙仗

登吳山過紫陽洞二首

洞側有蒙駝峰亦名小飛來峰

名山今入手長嘯向孱顏城闕煙中出江湖杖底  
環亭開瞻睿藻路轉得禪關吳越當年恨消沈  
磬響聞

峰亦飛來號耽耽幽訪洞宮崎嶇藏結構曲折入冥

綿津山人詩集

卷二十八

滄浪亭詩

五

蒙遺像閒雲外

洞有元丁野鶴像

疎花斷檻中林鷗催客

去馬首月如弓

會昌九老圖歌

香山老仙風流客致政歸來洛陽宅合樽尚齒招  
六賢拖紫紆朱盡頭白後來方外兩令威年貌絕  
倫竝几席九老八百十六歲此會人間信創獲賦  
詩紀事繪作圖頓使千秋仰高躅叶或琴于榭基  
于舟或展圖書互探索衣冠嵬鬢眉古童僕清  
妍戶庭寂一亭林際更幽閑落葉頻掃莓苔積畫  
畫者誰天機精寫出冲襟浴泉石流傳妙蹟到紹

興宸翰揮灑生顏色吳興趙松雪巴蜀鄧善之競題名

秘玩棠村梁相國抵荆玉叶老夫何幸得拜觀一段

零縑神奕奕會昌典刑令人欽豈獨寶此粉與墨

我膺旄節近縣車撫卷歸歟念轉迫幾時結社淥

波邨也效者英踵其迹

遊攝山棲霞寺二首寺有隋文帝塔江總唐高宗碑寺後有千佛巖

江臯奪勝地谷口望疎林藤杖透迤入香樓梵唄

深豐碑畱蘚砌湧塔冠雲岑世界人天接真教洗

客心

攝級向山巔神清忽悚然巖花千佛遶松響半空

綿津山人詩集 卷二十八 滄浪亭詩

傳僧老初成志楚雲禪師方輯山志機忘共品泉題詩良自

愧江令有名篇

靈谷寺

措筇循鍾山曲逕投靈谷法界幾劫灰紺殿會新

築鐘魚迴深沈是處妙香觸瞻禮寶公塔遺像何

穆穆風鈴語一聲相戒莫敢躪此地富松梅蒼髯

映寒玉今來總如掃晴嵐但迎目荒涼琵琶街鼓

掌駭童僕爭琮功德水漱齒清心曲載過贊公房

雜花媚幽獨即境熱惱除跏趺願良足詩元不礙

禪得句刻牕竹

以文休承定園禪定圖贈開先淵公因題二絕句

文家畫手數休承幾筆秋山得未曾黃茅龕子空林下此際誰叅最上乘

老僧愛畫入骨髓小幅攜歸數淺原拾松蕒瀑生涯在解道淵公即定園

題石谷畫

浮嵐暖翠元劇迹天池石壁亦一奇烏目山人今子久兩圖高韻此兼之

夢中咏茶得首二句醒而足成之

綿津山人詩集

卷二下

滄浪亭詩

七

採摘煙霞窟神韻金石含

袁中郎評芥有金石氣陳眉公品茶云一人得

神二人得趣三人得味

桐陰閒啜罷三昧此中叅

送馮山公歸試錢唐次畱別元韻

湖上驚看未易才炎天冰雪好懷開談深科跣同疎放注罷蟲魚羨博該

該山公方注蘇詩

歸棹六橋秋色裏

橫江八月晚潮來公車待送滄浪畔重倒玻璃激

灑杯

附原倡

景

四海何人解愛才半生懷抱向公開但除憂國無關慮最喜論詩不厭該載酒邀朋隨月散呼

童每晚送花來逸情勝地愁難別預擬秋深領  
桂杯

宿寶應人家

落日照窮巷茅堂靜如許梧葉紛庭階蕉衣被牕  
戶而我此停車抖擻衣上土聊取濁酒傾還將素  
琴鼓永夜耿無眠蕭蕭聽秋雨

過喬石林侍讀縱權園感賦

城隅一徑入深陂秋老荒園振策宜野水迴環山  
映帶殘荷飄颻柳低垂溪堂剩挂東坡字柳侯廟碑漁  
具堪吟魯望詩采采白蘋斜照裏十年興廢使人

綿津山人詩集

卷二十八

滄浪亭詩

八

悲

淮揚賑饑示官吏

淮揚咽嗷郡相望江海邊三紀河伯驕沃野遍淪  
漣緊余移鎮來適丁災稔年四載勞補救奔走洪  
流前蠲租二百萬兼糜水衡錢賑過銀米百五十萬屢請被  
吏議獨荷 聖主憐余以災田請作版荒停免部議罷斥蒙恩薄謹今

春 翠華臨加意謀安全疏淪懋禹績畱漕惠顛  
連詔畱漕米十萬平糶惠民 熒熒此子遺相率擬力田河魚忽

大上千里仍長川危隄棲婦子茅茨斷炊烟村墟  
何處所泛泛惟漁船漂波嗟蕤麥臨風羨鳥鳶重

臣躬負薪手胼足復胼臣學承明詔駐節向海

孺輕裘鼓短櫂來往狎深淵州邑十七八擘畫廢

夜眠薄俸分已盡倉廩更蕩然何以荅任使俯仰

憂懷煎九重實洞燭轉粟恩命宣上諭江右撫臣運米十萬

賑濟淮揚衆商方戴德稅稻來委闕時鹽商方蒙減課特恩輸米五萬助

賑羣公競攸助各官皆捐米稍稍給粥饘余家幸接壤

致禾三百廛余倡捐米麥眼底饑溺儔庶幾免播遷作

詩示官吏相期共勉旃無使滋中飽哀鴻慰迍

富公賑青齊盛事史冊傳豈敢希古人但願寡尤

譽謾郎委符節我志久拳拳歲晏公事了好賦歸

綿津山詩集

卷二十八

滄浪亭詩

九

來篇

附和前韻

景

大浸困淮揚熏風來日邊命公殿南服河潤

同淪漣憶自高堰決川后驕頻年四載厄秋霖

耕耘功棄前民室盡懸磬身不名一錢蕩析將

離居公心惻然憐哀彼鴻鴈鳴保此家室全請

蠲復請賑封事常牽連天鑿俞孤忠農得事

春田今茲望有秋秋水灌千川盲風挾淫雨產

鼃突無煙廬舍齧洪濤民棲半在船飄泊隨西

東有似乘風鳶乞食滿道路面鰲兩足胼州縣

十七八秦郵迄淮壻 帝命往撫饑公心凜水  
淵日晏不遑食宵中屢廢眠聚米無成謀仰屋  
徒茫然賴有西江粟泛舟消憂煎矍鑠馬中丞  
轉輸恩函宣公首捐鄉麥運致何闐闐鹽筴邴  
諸商五萬佐施饋感激激羣有司攸助盈困屢父  
母方孔邇井邑何忍遷水涸掃牀蘚安於臥細  
旃恩濃樂更生痛定悲前澶汲黯矯發粟仁心  
千古傳損餘補不足天道平不愆公真社稷臣  
開誠何拳拳作詩示官吏氣壓春陵篇

寄懷彭無山中丞

老友邵青門嘗稱無山爲鐵漢

綿津山人詩集

卷二十八

滄浪亭詩

十

鐵漢高名久屬公幾番愛護 主恩隆孤踪已致  
層霄上羣望方殷末路中獨秀晴峰當幕府碧潯  
秋瘴掃霜風天涯歲晚相思切欲寄音書少塞鴻  
九月十三夜夢舟泊江上大雪中與故人周  
侍郎櫟園杜處士茶邨分韻賦詩余得句云  
故人同野岸急雪灑船牕旣寤於枕上續成  
篝燈趣錄漏下五鼓矣

夢入滄波裏重雲壓大江故人同野岸急雪灑船  
牕詩得荒寒助心將老宿降五更趣追寫殘燭影  
幢幢

月夜過天竺菴訪無絃上人時約上人在滄浪亭

纖月長河岸禪關獨叩時竹傳當徑籟梅拘隔墻  
枝觀畫懷漁隱是日觀王孟端彈琴接穎師滄浪  
還有約高咏牡丹詩

含清亭賞芍藥同邵子湘馮山公吳荆山次  
梅聖俞楊樂道畱飲置芍藥韻

花事故鄉盛嘉名錫紅藥每當婪尾春平臺展讌  
樂老夫客震澤芳姿想累萼遠致勞園丁種植依  
林薄曄曄含顰嬌故園名種風致宛如昨壓倒金昌城

綿津山人詩集

卷二十八

滄浪亭詩

十一

不數廣陵郭招邀澹蕩人共此花前酌况我雙戟  
門儵然可羅雀脫帽苔任藉佐酒笋競斫經時偏  
仄懷偃仰得開廓浩態與狂香恍疑天上落雅宜  
明月來生憎寒雨作觴行儼卷波矯首聞城柝折  
枝惜旖旎張幄添灼爍翻階鬪新句豈同士女詭  
司花何狡獪舊譜武仲略載把都官詩高吟向鈴  
閣

前題奉和用韻

長蘆

中州盛牡丹邇又誇芍藥瑪瑙盈尺槃樓子十  
重萼紅白爭繽紛一一標名各種詎止三十翻

笑花譜略風雅得元公移根自宛洛種近含清  
亭疏畦藉鋤鑿立夏三日晴名葩披灼爍枝枝  
風嫵媚朶朶露媚嫋亭空映紅闌樹密張翠幕  
公爲文字飲餽閒杯酌櫻桃筠籠寫鮮笋清  
泉淪甌香日注嘉釀淥玻璃薄半酣徵故事高  
談展懽謔廣陵金帶圍魏公久寂寞東武玉盤  
盂髯蘇跡成昨高韻繼者誰公應躡前屨詩篇  
餘事耳雅音振韶濩大馮况詩豪解衣羸盤礴  
季重亦可人一鼓氣堪作笑拍都官肩君筆真

可閣

思拙筆屢閣  
即聖俞句

綿津山人詩集

卷二十一

滄浪亭詩

十二

前題奉和次韻

景

鄭國溱洧閒士女贈芍藥後來脩褉遊流觴傳  
至樂麗草殿餘春翠莖吐豐萼雪色含顰嬌心  
染胭脂薄揚州三十種繁英已成昨吳苑栽灌  
肥疑種橐駝郭鹿韭悵陳迹鳧花酣晚酌方塘  
斂夕陽前林集歸雀愛茲婪尾春寧謝不忍斫  
芳園寄幽賞暫畱慰寥廓好待纖月臨防受微  
風落紅藥當階翻佳句誰繼作促坐未奏阮繚  
垣已鳴柝寓公興不淺今古互銷鑠懸河三尺  
喙高談雜諧謔作詩駕宛陵使我步崖略何必



賦梅花清才壓官閣

前題奉和用韻

吳趨 吳士玉 荆山

使院饒名花奇種來東洛牡丹最超羣驂驪乃  
芍藥入夏畱餘春窈窕殿羣萼明公步履來賓  
從攜蓮幕風迎香冉冉日照光灼灼公言故園  
中此花如繡錯大者盈一尺瓊彝玉盤託其餘  
復善幻五色紛淖約高下滋百畝本本垂瓔珞  
折來插作屏步障季倫若花時相經過朋好雜  
歌罨侯生朝宗不羈人賈靜恭徐上亦落拓徑造花  
下醉灌漏填巨壑雪苑風流盛俛仰猶如昨公劇

綿津山人詩集

卷二十一

滄浪亭詩

十三

談梁園花事之盛友朋之樂

四座聽公語興酣添杯酌把火

遶露叢妍姿倍娉孌憐此婪尾春感彼都官作  
公詩發高倡邵馮鬪奇博逡巡怯大敵坐令小  
巫卻一鼓偶試手敲音還自作

延熹華嶽廟碑歌

迢遙太華參金天虞周巡幸禋祀虔集靈宮建炎  
漢代飾闕載紀延熹年望仙門下聳鼻鼠隸書壯  
偉蛟螭纏經始者誰袁太守袁逢市石者誰從事遷  
杜遷郭香察書義莫辨徐洪考究終茫然徐浩古迹記以爲蔡  
中郎書洪适隸釋云郭香察書者察蒞他人之書也端嚴自可配白帝奇古

直欲追周宣無論史晨與韓勅撇畫已開光和先  
桓靈秕政令人恨斯文頗盛千秋傳片石不隨鐘  
簾改精光奕奕射嶽蓮後來好事錄金石上絜斯  
邈邕隨肩有明中葉遭掎擊神物消滅同飛煙關  
中祕藏或一二剝落那得驪珠全此本宋捐缺僅  
十一字可博一金錢河北金吾王文藻老愛此摩  
挲珍比瓊瑤璇何幸鴻寶入我篋虹光頓壓書畫  
船寄語郭頴趙嶠二子道於今好古應讓西陂專  
錢牧齋詩云關中汲古有二士郭頴趙嶠俱嗟哦

前題奉和

長蘅

綿津山人詩集

卷三十一

滄浪亭詩

十四

華山作鎮帝所宮拔地削成三芙蓉明星玉女  
竝娟嫋天神博處鉤梯通少昊金天幹元化虞  
巡周望秩祀崇茂陵劉郎斬不死集靈宮築山  
之趾松喬芝蓋紛往來子仙茅龍大憍恠亡新  
變亂迨東京文字磨滅餘荒祀此碑紀年延熹  
八四月維夏日廿九勒石者誰弘農守袁逢開  
先孫璆後郭香察書恐臆說曰蔡中郎亦無考  
叶或云漢魏古碑今猶有例不書名著誰某紛  
云辨駁姑置之隸法第一真瓌奇公此石本得  
何所點畫完好無瑕疪圓方古匾體皆備挑拔

勁如折刀鉞斯逸故是丈人行冰潮呼作大小  
兒光和以前得有此岫嘍石鼓肩相隨我思桓  
靈批政吁可詫歎息痛恨誰能那鈎黨橫填北  
寺獄債官更諧西園賈太學石經空駢填鴻都  
烏篆資詈唾雒陽鐘簾俄銷燼飛廉銅馬亦推  
破嶽碑鼯鼠歸然存千五百年安帖妥明嘉靖  
閒始遭培有如嶧碑焚野火紅豆老人錢牧齋作  
長歌缺百廿字相矜夸何況此本缺僅十紙新  
墨古神不磨虎爪攫拏氣鬱偃蒼蚪鐵屈枯枝  
柯知公鑒賞有真識斐几一日三摩挲

綿津山人詩集

卷二十八

滄浪亭詩

十五

前題奉和

景

太華山高五千仞金嶽克配旻天峻虞巡周狩  
省方同中閒簞以羸秦閭芒碭風雲起赤龍山  
川祠祭放秩宗茂陵轍跡徧天下集靈宮築崑  
函封亡新矯誣神不享露盤零落仙人掌建武  
以還珪璧虔勒銘實自弘農做河南山鎮冠雍  
梁時巡禮與恒岱方觸石興雨蕃農桑有年祈  
報神歆香碑建延熹紀年八四月廿九日逢甲  
亥逢經始孫璆成鼯鼠嵯峨聳軒豁石從霸陵  
杜遷市書遣新豐郭香察慨自蒼頡籀變丞相

斯龜文龍鱗迷前規小篆程邈改爲隸六體又  
雜甄豐爲李陽冰潮遙擅奇八分由隸權輿之  
要知漢隸之妙在龍舉戈波撇畫如錐土此帖  
鷹峙骨力彊方璧圓珠鼎彝古朱竹垞云漢隸  
三種一方整一  
流麗一奇古徐浩以爲蔡邕書邕時稱疾方閒  
此帖兼之居固辭五侯鼓琴名官上三峰倒薤披浩之所  
記殆訛繆獨惜嶽碑名氏漏或云漢刻例不名  
我隘見聞向誰究此事倚撫無短長桓靈時事  
關大綱賣官黨錮奄人猖青虹墮殿星孛狼兒  
生兩頭四臂妖非祥三十六萬黃巾黃可憐帝

綿津山人詩集

卷二十八 滄浪亭詩

十六

子逃螢光獨有茲碑埶業不隨炎劉亡世事都  
從駒隙過千五百年陵谷墮每歎滄桑變幻多  
方知文字因緣大嘉靖年間令不才碎爲砌石  
委蒿萊六丁假手一何毒詎殊轟擊靈霹靂雷烏  
噓有成必壞循環理萬事紛綸盡如此商丘公  
耽集古錄剡苔剔蘚皆標目何處購此最古本  
字皆可識摩挲讀舊榻已苦缺百廿此但漫漶  
十五六嶧山岫嘍不可求此帖寶之同圖球集  
靈宮亦易詳故未須更駁歐陽脩

華碑漢隸推第一芒奪少吳金天晶東追嶧碑  
南岫嘯光賈鼎立齊嶧嶸商丘先生雅好古得  
此善本識鑿精紙新字完少缺畫嗟予一見心  
魂驚此碑刻自弘農守袁孫接跡勞經營延熹  
八年斗建巳月廿九日告厥成郭香察書紛聚  
訟古碑謂不署姓名或云中郎亦罕據筆踪驚  
絕要莫京虎螭攫拏鳳飄舉長翎脩鬣摩鵬鯨  
規連珠樹矩洩玉圓流方折隨縱橫按以隸法  
兼衆妙欲名一體誠難評祖禰上溯籀斯派苗  
裔下傳潮陽冰熹平石經尚晚出堪與追逐稱  
弟兄桓靈敗德不足數摩挲墨妙聊娛情吾聞  
太華削成五千仞河神手劈垠崖崩雲泉天磴  
闕金液乘龍戲博多仙靈此碑歷千五百載呵  
護應煩勅六丁有明嘉靖遭捨棄可惜神物歸  
杳冥成毀相因固其理世事反覆誰能憑不見  
嶧山之碑焚野火岫嶧迹祕涕泗零公得此本  
真希有一字便足輕連城

前題奉和

漢陽

王

戩孟穀

往歲行經崑陰道嶽廟肅肅金天開老樹陰森  
夾階祀古碑寥落纏莓苔樞衣爰登最高閣三

峰岷尺高崔巍雲氣蒼茫衣袂接夕陽明滅衆  
皴堆藕船大片不冑喫搖鞭西向趨黃埃公作  
華嶽廟碑詩寄我句讀之口中流沫字裏轟風

雷金鐘大鑪自撞擊韓蘇石鼓從胚胎和詩兩

篇盤硬語牽連紀載能別裁論文人馮山公昌黎有與馮

宿論聲出燥吻種瓜者郇青手掀于懸屬予作

和恐蛇足力薄氣索難瑋瓌惟雍州古帝王宅

柴望上自虞周推贏顛劉熾盛祠祀茂陵仙客

秋風才承露銅盤切霄漢西母爲乞蟠桃栽甲

帳珠簾忽零落初明腸斷通天臺泊乎東京際

綿津山人詩集

卷二十八

滄浪亭詩

十八

衰亂黃門北寺吁可哀甘陵南北兆鉤黨豺虎  
邁患遂令廟闕陵墓成飛灰集靈宮不可復見  
延熹碑碣畱蒿萊千五百年尚無恙有明中葉  
方隳隕宋代摸榻聿近古譬如湯孔辭器兼而  
該公從金吾得此本聖所貴重逾瓊瑰詩中縷  
述信譎詭察蒞書寫其誰哉筋垂薤倒體奕奕  
龍拏鳳躍形恢恢即非髟鬯奏妙技總依隸邈  
窮初芟爰歷凡將未遐遠八分三體供滌洄天  
丁挾取字僅十北斗增色連三台太學苦縣盡  
澌滅護持完好惟茲纔好之有力竟克致集古

序就長昭回我猶未見摹擬澀一似有物橫頤  
頰新秋旗門懷刺往小滄浪畔聊追陪借觀亦  
不求甚解何妨傳示同提孩摩掌不將寒具污  
去當其得意且須卷還什襲放膽傾金罍

高澹人詹事過訪別後貽詩四首依韻奉答  
吾友高詹事襟期世所稀中裙親浣滌乍浦泛烟

霏櫻筍年華換風騷辯證微遙聞梓花下詹事園  
有梓花

戰勝邇來肥

容與鷗邊艇來乘江水深旌門罷笳鼓池館即山  
林永日畱高話清泉共此心修篁翠煙畔啁啾聽

綿津山人詩集

卷二十一

滄浪亭詩

十九

幽禽

行笈惟攜畫當杯更說詩何妨官閣內別有客懷  
奇歌板飄清吹星芒滉碧池此閒游宴樂白傅固  
應知

返櫂悠悠甚滄浪未湖洄詩同明月墮讀傍畹蘭  
開金石流高韻浮沈歎散材百城烟水窟還待倒  
深杯

六境圖咏

有序

康熙甲辰予以侍衛出判黃州地故有子  
瞻洗墨池從荆榛瓦礫中搜剔而修復之

是爲子宦遊之始忘歸巖者虔州山水最  
幽處得名自陽明先生子奉使經年過  
此亦每忘歸後子觀察通州咫尺京華最  
爲紛沓賴潞河一水綠浪紅蕖風颿沙鳥  
時可怡情因葺潞亭以存舊跡趙文敏有  
鵲華秋色圖爲齊州周公謹作也予以額  
廉訪官署夕陽紫翠恒於坐臥間得之不  
數月移藩吳會簿書旁午聞有蘇子美滄  
浪亭未及探歷忽忽奉江右之命以去  
江右近郭有北蘭寺據江山勝概因建烟  
江疊嶂堂與賓從遊眺其中頗擅一時之  
盛癸酉移節平江政簡心閒滄浪亭近在  
署側取次修葺遂成名勝酬夙願也今歲  
夏烏目山人王翬過我俾作六境圖敘述  
其事各係五言詩一章要一二故人和之  
庚辰立秋日

洗墨池

疇昔判黃州一官同泛梗江山樂清曠俯仰客懷  
永東坡洗墨池蕪沒無人境爬剔出神瀆一泓浮  
翠苻豈惟存舊跡兼可逐清景好風澹蕩吹几席



淪漣影幽人對如鵠甌香時啜茗蛙口食墨黑楚故  
載池蛙食臆說堪笑屏別來三紀餘幾思駕烟艇  
墨口黑

### 忘歸巖

姚江千載人看山有癖好  
縻戟虔州時遊屐徧雲  
嶠幽巖傍通天亦巖名  
幾度展孤眺大書刻石壁公  
懷何浩浩我來追高躅  
一杖凌奔峭修篁被遂谷  
森聳千幢纛水窮雲起處  
默坐領其要夕陽促樓  
翼靈籟發窅窳而我亦忘歸  
蘇門繼清嘯

### 潞亭

觀察通潞日奔走苦近畿  
束帶欲大叫如馬困韉

綿津山人詩集

卷下

滄浪亭詩

三

鞿偶值公事了一水弄煙霏  
縛亭延古意四顧來  
清暉紅蕖叅白鳥到眼趣不稀  
誰言塞垣近江鄉  
此庶幾遂多酬唱什賓從有光輝  
湖莊清夏圖趙大年  
奪取惟王翬孤山雲外塔相望仍依依

### 鵲華秋色堂

濟南山水佳城郭煙嵐環鵲華  
好秋色鷗波貌雙  
鬢我官日兩衙盡在紫翠閒  
故人額我堂宋竹垞見  
者爲怡顏擬攜紅藤杖刻意窮躋攀  
無何置之去  
欲賦詩思艱冷雲與殘照幽夢恒相關  
高吟滿笥篋千年妒遺山

煙江疊嶂堂

晉卿有珍圖曰煙江疊嶂玉局最心折品在李郭  
上榻來章江濱放眼得畫狀滄波帶翠巘千里列  
屏障堂開古寺中佳處快所向三日一登臨五日  
一酬唱嗟峨滕王閣較此遜奇創白鷗閒似我來  
往隨蕩漾瑯琊老尚書節督詔別樣

阮亭帶日余  
爲別樣節督

滄浪亭

移節來三吳我還用我法所願風俗淳坐許泉石  
狎訪古得滄浪澄明比茗書空亭復舊觀屋宇施  
版鍤牡丹儼風鬟荷葉展羅筆故物補棊盤韻事  
綿津山人詩集

卷二

滄浪亭詩

五

添琴匣遊人聯袂來名勝虎丘壓英英子美魂吟  
嘯定不乏圖成當年譜畫手頗稱甲他日歸西陂  
還倩寫放鴨

喜雨

初伏已過中伏來日日南風吹不息炎帝火傘作  
意張低田車水高田圻淮揚災稜已連年此地那  
堪罹小厄恤人悶悶同左司悵望高天頻蹙額池  
館柳黃荷不花滿堂賓客皆愁色日斜忽報風陣  
轉門前旗脚皆南擲黃昏雨點如菽大乍停乍作  
耿曾臆三更以後遂滂沱憂思千邨一朝滌懸知

穉稔翠巖舒嘗稻翻匙定雪白狂吟喜雨邀和章  
賦手如雲不待迫曉煙未泮好作圖烏目山人起  
潑墨

綿津山人詩集卷二十八終

綿津山人詩集

卷二十八

滄浪亭詩

三

綿津山人詩集卷二十八終

滄浪亭

知手巖雲不待迫曉煙未泮好作圖烏目山人起  
潑墨

綿津山人詩集卷二十九

商丘宋 榮牧仲

紅橋集

九峰曲二首

纔過青浦望松江  
淼淼澄波白鳥雙  
九朶芙蓉相竝出  
一天晴翠撲船牕

雨過斜陽入趣途  
羣峰參錯水縈紆  
看山怪道如相識  
往日曾披雪霽圖

黃子久有九峯雪霽圖

次前韻

景

九朶芙蓉出泖江  
空明盪滌自雙雙  
雙峰聳翠

綿津山人詩集

卷二十九

紅橋集

如相送倚徧雕航  
四面曉

殘澍初收濕遠途  
夕虹猶挂九峰紆  
不須更覩黃庭畫  
此是天成雨霽圖

賑饑淮揚寓江都范公祠作

五年河決淮揚郡  
拯救徧當力  
紉時千里飛鴻連  
海岸二分明月對  
叢祠看碑廡  
下莓苔掃行藥畦  
邊柳粟隨幾日滄  
浪催刈稻并州風  
物使人思

前題

至

嗚脚蕭蕭蔭短垣  
范公祠下復停軒  
經旬轉粟煩飛檄  
何日哀鴻返故園  
極望平山雲作陣  
還

愁海岸雨傾盆趨庭小住邗江上向夕憑欄酒  
一尊

平山堂二首

路出紅橋畔秋原問蜀岡穿林尋曲徑拾級到高  
堂遠岫平襟帶長江得渺茫呼童掃黃葉好煮石  
泉嘗

昔賢良讎會茲事遂千秋勝地幾興廢閒雲此去  
畱樓開歌舞外塢入海天浮何處雷塘路蕭騷起  
暮愁

附前題

至

綿津山人詩集

卷二十九 紅橋集

二

秋光無賴是揚州十里平山竹樹幽蜀國岡巒  
環短檻江南煙靄入空樓煮茶泉竝中冷美勸  
客花從邵伯求勝地高懷都在眼夕陽影裏一  
吟謳

秋日由范公祠後圃過天竺庵二首

時滄浪亭方構

碕西草堂

古祠棲泊處幾日遂淡秋野岸霜風緊殘陽廢圃  
幽園茆收末利老樹叫斑鳩何意膺符節翻同世  
外遊

曾向南園裏碕西構草堂大江隔吳會秋水憶滄

浪行萊從公暇投竿引興長聞鐘催步履又到贊  
公房

鄰家竹園

客舍傍荒園相去不數武修篁聳天畔參差展鳳  
羽清陰隔院來羅羅遍庭戶時循麀眼籬徑造無  
人處遺籜與蒼苔委積盈尺許呼童爲掃除坐待  
明月舉千蠹萬夫閒葉葉秋可數脩然坐忘歸直  
迨鄰鐘杵風至靈籟生俗韻洗肺腑因之念故鄉  
寄書葺舊圃

子家竹圃梁  
孝王故址也

附  
前題

至

綿津山人詩集

卷二十九 紅橋集

立秋六十天暑氣時作惡祠南美修篁連日出  
行藥竹根蔓草纏蕪穢侵芒屨呼童加剪除耳  
目得一廓譬如嬰塵空忽被清泉淪徘徊日欲  
昏嘲哢羅歸雀廣陌起秋風乾葉蕭蕭落

答朱慎人駕部二絕句

小別俄看菊有花滄江渺渺隔天涯八十老翁偏  
好我一封遙寄水精蝦

高踪世外自菰蘆鶴格昂藏老興孤青鞋布襪蛇  
條杖待爾滄浪作畫圖

九日用至韻

乍晴乍雨當重九笠屐風前緩緩行傍水閒園畱  
野鶴戛天高柳接荒城宦途偪仄誰停手秋鬢蒼  
浪愛落英此際呼兒問鄉國和松茅屋葺初成

附原詩

至

江風吹雨又吹晴蕭瑟郊原穫稻聲走馬空林  
防落帽窺牆小婦訝前旌愁分鴻雁三秋夢醉  
倒茱萸九日情怡悵雷塘何處是夕陽西下隱  
層城

秋日廣陵雜興八首

已過重陽雨不休叢祠古木響颼颼誰知聽雨無

綿津山人詩集

卷二九 紅橋集

四

聊賴名畫還披聽雨樓

黃鶴山樵有  
聽雨樓卷

買得秋英碧玉枝一庭疎雨澹相宜二三文士成  
高會獨有麤官愧左司

牆東菜竹一千个牆西鴨腳大十圍公事一了卽  
世外誰能局束爲人鞿

淮揚蠲賑自年年一老輕舟溯大川岸上偶然成  
小住窺人霜月兩迴圓

去年畱漕二十萬今年轉粟又海濱明年定擬塞  
瓠子太倉高廩應陳陳

獨扣禪扉破碧苔雞冠五色滿庭開老僧背上筠

籠重打得街頭盞飯來  
迴颿鼓急隔牆聞不礙哦詩向夜分一陣南風又  
霽雨妬他涼月白紛紛  
落葉聲中與鶴閒竹西歌吹總教刪寫望朝來定  
何處衝泥還擬上平山

附  
前題

至

雨檻風牀數笏寬蝸牛負殼轉身難晚來小立  
門前望竹影修修搶影寒  
鹿眼籬根秋草芟一叢苦竹對松杉京江雲作  
邗江雨水驛鳴饒促落帆

綿津山人詩集

卷二十九

紅橋集

五

稻熟田家風雨連舍前舍後水平川不緣兩月  
揚州住誰信淮南是漏天  
眠鳧翹鷺驚人起行飯溪南曳短蓑獨對斜陽  
懷杜牧竹西亭子草萋萋

半規月照玉鉤斜此地曾經葬落花一種風流  
消不得香車寶馬又天涯

蛟門

汪懋麟

墓已纏秋草梅壑

查士標

梅岑

宗元鼎

兩

慘悽屈指故人零落盡欄干倚徧日平西

采采茱萸落照微農家大半上漁磯酒旗歌板  
平山路驚起哀鴻何處飛



秋老江鄉霜倒蒲漁莊蟹舍日提壺歸時還倩  
琴川叟王貌我金焦放棹圖

前題

江都 顧圖河書宣

雪葉風花續續吹城南官舍破閒時雨師多謝  
勤來往一日催成一卷詩

空天忽注雨三尺空囊忽辦米千鍾飽飫江淮  
人萬億可知談笑有神通

朝朝堆案壓丘山秋籜隨風頃刻閒不是乃公  
工判事十分清得十分閒

千夫執戟趨衙鼓十手研煤供寫書高竹萬竿

綿津山人詩集

卷二十九 紅橋集

六

雙酒榼門生數輩一癯儒

綿津說詩惟一真綿津鑿畫如有神畫真畫贋  
吾不辨天下真詩復幾人

屬和多來那易工小坡端不讓家翁巖巔一滴  
獅兒乳猛接千尋絕壑中

跛驢滑澆不受騎破屋床床無了期咫尺城南  
渺河漢擬將雅鄭叩臯比

今朝舊說展重陽拘轉雲光漏日光扶起菊枝  
溫雪酒料公無計奈詩狂

前題用韻

江都 郭元鈺于宮

九旻霖雨濕殘秋小駟柴車阻勝遊却有水關  
紅葉岸庾公高興欲登樓

日影霜紋滿戟枝水濱閒建白雲司韓瞻新句  
冬郎和未許門前橫芴知

苔展重茵鞞打圍高庭寒色試秋衣放衙不用  
凡胥吏一陣檀鬪擁綠扉

檐聲送到催詩雨野色營成命酒天筍脯橘乾  
隨意酌筆牀茶竈自牽船

浮山下格尚通津去住宣防負土人不有江南  
醫國手釣魚何處穩閒身

綿津山人詩集

卷二十九 紅橋集

七

秋城如練水如苔沙鳥汀鷗日日來九日淮南  
有佳處蟹螯肥足酒無灰

老雨欺秋入夜分竹牆松院益紛紛荒涼逆旅  
三閒月觸撥牀頭一甕雲

元人詩詩人  
例合三閒月

竹輿軋軋秋山閒松聲欲落襟帶間不教呵殿  
惱林樾詩心全在隔江山

前題次韻

泰州繆沅湘並

銅斗洗洋唱未休雨聲篷背響颼颼劇憐聽雨  
孤篷客冷醉閒吟倚柁樓

青霜陣陣糝楊枝搖落秋心與客宜不道鬢絲

禪榻畔重賡好句杜分司

遙山幾點如潑墨螺髻碧玉交相圍定攜蓑笠  
造絕頂孤鶴傲岸誰能鞮

江湖載酒憶當年一葉漁舟舞巨川曾向邗溝  
賦秋月銷魂少此一回圓

木瓜霜後碧初勻滿樹纍纍江水濱小摘青萸  
聊位置湘簾不捲看橫陳

滄浪亭子堆蒼苔秋花籬落千叢開碕西草堂  
昨夜雨更有何人問菊來

瓦盆送酒隔籬聞銀蠟裁詩剝五分吟罷吳楓

綿津山人詩集

卷二十九

紅橋集

冷江上滿城落葉正繽紛

香凝燕寢意閒閒公事粗酬塵事刪畫手不教

寒具浣溪山雨霽看衡山

時觀文  
侍詔畫

晴

野館秋陰遍四圍晴光纔放啟園扉牽牛羞澀當  
籬綴鳳子伶仃貼地飛鄰寺經聲聞老衲隔江畫  
本送元暉修修竹徑寅緣處直似平臺舊圃歸

玉帶生歌

有序

楊鐵崖有七客者之寮以貯所藏笛琴管  
胡琴古甕與研竝已爲七六客各錫以嘉

名而研舊寶於文丞相紫質玉紋所謂玉帶生也丞相殉國研歸謝臯羽轉歸鐵崖鐵崖作志命門生張憲作玉帶生歌余幸覲奇寶亦贈以歌

有客有客端州生家住下崑之老阮質温以粟靜以正紅光燭燭搖日星紫衣玉帶端人相聲價倏然來連城景炎丞相宿友善周旋几席儕墨卿虔州露布曾視草寶惜不數瓊瑤英柴市殉國客散走西臺血淚同吞聲冬青樹罷歸何處抱遺老鐵邀作朋幽寮七客數晨夕文章之職維汝承門人作歌寫遺烈隱然五岳方寸橫古心古貌儼舊服守玄那絢鶻睛腰閒驪珠四十四焯焯丞相所賜銘余也師事寧敢友如圭如璧親典型安得七客忽邂逅得余而入重結盟

綿津山人詩集

卷二十九

紅橋集

九

附前題

至

玉帶先生品端潔夙昔曾託文山契紫袍挂體不復變襟期磊落懷冰雪初疑巨璞禹鑿餘否卽女媧搗鍊結闊纜寸許長手耳波濤瀕洞墨花凸龍尾鳳喙何足云况爾脣全額弗缺髭髯磷磷開復卮

研銘中語

四十四字光昭揭一從供灑

零丁辭當心忠義磨不滅文山頽後歎子遺頌  
石堅貞誰見悅尤物原來恥受憐握手那肯便  
成熱嗣偕臯羽拜諸陵冬青樹罷分鳴咽流傳  
異代落巨手用翻樂府隨老鐵六客之中名第  
一却嗤焦氏秋鐵崖琴名爲賈似道故物非埒丞相雖同有  
賢奸一薰一蕕手澤別袍笏拜之方許觀天陰  
只恐蛟龍掣玉笥題句何凜凜小儒屬和空咋  
舌

前題

泰州宮鴻曆友鹿

胥江湖落白鴈飛誰斲鰲足支坤維文山獨抱

綿津山人詩集

卷二十九

紅橋集

十

硯田出奮筆屑涕揮雄詞蛟龍不合挂網罟虎

口自脫非人爲三宮銜壁水怒立正氣只欠天  
扶持臯父得硯不小用用代鉛筑沙中椎魯連

蹈海慶卿死女貞花葉空菱蕤百年汐社客纔

散宋遺民社名起輦谷暗陰風吹此硯閱人傳舍耳

鐵笛老仙欣得之紫袍玉帶稱上客玉笥長句

尤恢奇赤城霞起瀑水隔白虹影貫彤雲垂至  
寶縱復有晦顯神物要自無成虧漫堂夫子方

晏坐一方軟玉磨踰麋時平幕府罷草檄不須  
更替廬陵悲蟲蝦草木待箋註門生問字來寒

惟相與聯韻效鐵體踏歌先和嬉春詩

題王叔明聽雨樓圖

清溪送客罷江天黯將夕秋林碧煙生寒雨稀疏  
滴茅樓跂脚人傾耳意何適妙義悟風旛耳雨兩

無迹山樵貌作圖筆自塵外得張

伯倪霖

發高唱

屬和皆奇特故人幸持示一覽心一滌覽竟步夜

分簾挂霜月白

附前題

至

作客歲已久夜來鄉思生夢回西陂裏聽雨當  
茅亭曉起展圖畫寓目心忽驚恍如夢中見瑣

綿津山人詩集

卷二十九 紅橋集

十一

細何分明千章蔭揚柳沙白水荇青邨遠隄壓  
岸孤舟浮煙汀披蓑戴笠笠款乃衝風行幾時  
賦歸去小樓坐淡更綠波罨霽霽漁火看星星  
倩彼白描手貌我聽雨情何事撫卷軸空憶霽

霽聲

灣口二首

秋雲壓斷隄寒雨濕衰柳不見茱萸村孤舟泊灣

口

咫尺露筋祠相望隔雲樹中夜倚篷牕長吟白蓮

句

阮亭尚書詩云行人解纜月初墮門外野風開白蓮

白田雨夜次顧黃公貰酒不得韻示王方若  
喬無功諸子

如舟茅屋當官閣小牕夜雨冷莞蕝吏案山橫差  
排盡幾簾殘書此閒著濺濺簷溜入夜急恍向波  
濤耳噴薄五更捲地來霜風晴光願放前日同招  
邀數子文字飲周旋擬接昆吾鋒災祲已過當大  
有嘉穀會見如壙崇老夫飽喫蘇州飯滄浪射鴨  
彎竹弓

附次前韻

寶應

王式丹 方若

雲拂簾旌香浮閣蕉屋秋霖濕枯蕝清闕便似

綿津山人詩集

卷二十九

紅橋集

十一

寫倪迂心與篆煙無繫著遶簷琴筑不聞聲

放翁

夜雨詩遶簷  
點滴如琴筑

逗漏新晴日光薄從容談讌披清

風讀書却許生徒同精能神逸有妙理無上證

入禪機鋒剎那塵眼豁天外琅霄宮闕仙山崇  
臥遊何處意惝恍階前落日餘半弓

懷陶季二首

白田遺老推陶季衰病難邀共酒缸此際清燈寒  
雨夜懷人端屬鹿門龐

文酒昔同賈靜子

開宗

舟車屢接顧黃公

景星

眼底風

流亦無數誰曾橫槩建安中

登文游臺

臺在秦郵城東爲蘇子瞻王定國孫莘老秦少游讌集處

高臺傍孟城環遶盡湖水僻地得嘉名實自四賢  
始孫秦邦之彥別駕騷雅士文游奉坡公清芬灑  
千祀伊余措策來小雪風日美嘯傲仰遺踪几席  
薦芳芷孤桐倚檻畱衰草當階委名畫不可求  
李龍眠會太息漁洋子阮亭尚書有弔古詩俯仰五百年風流誰  
繼軌湖樹迴微茫湖雲澹迤邐悵望迨黃昏鷗邊  
霜月起

雨中舟次仙女廟示青門

芒稻河邊路寒雲竟日畱荒祠問仙女疎雨滯行

綿津山人詩集

卷二十九 紅橋集

十三

舟村隱鼓斜竹童驅子母牛蓬牕對詩老頓覺破  
離憂

附前題用韻

長蘅

野廟泊官舟蕭條江上秋西風吹急雨木葉灑  
船頭枯葑芳用切依扉落殘疊絳樹畱元公憂國  
淚五載不曾收

前題步韻

至

灣口東頭去荒祠得暫畱野風吟落木殘照冷  
孤舟生計憐投釣人家合賣牛飛飛淮海鴈何  
日慰離憂



前題步韻

宋致楫佳

灣口曾經過荒祠那可畱  
水平涵遠樹風疾送孤舟  
有戶皆沈竈無田不用牛  
哀鴻何處集未釋稻梁憂

舟次寧鄉二首

屬泰州爲  
隋縣治

水氣白泱泱扁舟逐鴈行  
傷心元沃野懷古到寧鄉  
遠岸蒹葭沒孤村網罟張  
老翁垂涕語五載罷耕桑

村村魚換稻在在樹生苔  
拯救恩誠渥豐穰運合開  
宣房沈璧馬海岸闢蒿萊  
多少關心事停橈

綿津山人詩集

卷二十九 紅橋集

十四

首重回

夢遊山水作

夙好山澤遊至老興不却  
幽夢招素心水石踏芒屨  
雅追修禊風共攜飛蓋作  
何以樂嘉賓清暉映杯酌

題徐學人雲溪草堂圖

之子江東秀風流小杜齊  
人傳秋柳句家住白雲溪  
蝦菜供調饍煙波入杖藜  
幾時共明月披豁草堂西

題梅雪坪畫卽送歸宣城

詩是都官喬畫追清闕蹤霜風吹旅館幽磻寫寒

松倪迂有幽磻寒松圖流覽移情劇煙嵐到眼重敬亭歸去

好粉本得搯笻

紅橋命名自阮亭

最是揚州勝紅橋帶綠楊著名同廿四佳話自漁洋去住笙歌接空濛煙水長幾回憑弔處詩思寄

斜陽

松花江綠石硯歌卽鴨綠江

聖武孔昭大文洽寶物千年忽騰螫松花江遠銀濤翻綠玉英英此中拾天家妙選職端明攸飛

綿津山人詩集卷二十九紅橋集

十五

或取歸鞍壓故人輟贈意良厚入手波紋翠猶濕青花蕉葉潤德同高出鼉磯與洸歛卷荷雅製凹有容毛穎託契墨卿狎老輩更有玉帶生墳典發皇共几榻

附前題

至

鴨綠江濱鼉窟冷雲根截斷光炯炯碧煙一片入手寒腹作團荷背盤梗隄麋瀟灑松花香咫尺波濤蕩晴景摩挲雅愛含風漪好仗濡毫聯

石鼎山谷詩贈君洸州綠石含風漪

刊補施註蘇詩竟於臘月十九坡公生日率

諸生致祭

文章氣節眉山蘇，高名嶽嶽驚凡夫。七百餘年余  
欣慕，夢中恒接鬢鬢鬚。公厄一時死，不朽遺編學  
者多。霑濡詩註吳興最，稱善梅溪舊本徒。區區斷  
簡搜得費補綴，邵長衛景馮景顧嗣李必恒必兒至俱刊成。  
恰當公生日，歲暮霽景堪歡娛。招邀名士肅下拜，  
小滄浪挂笠履。圖黃雞花豬薦，夙好亦有蜜酒盈。  
杯盃左圖右書，歔寶氣霓旌。髣髴來雲衢，顧余江  
湖久放浪。長安餽歲每歲無，似聞家僮相竊笑。媚  
茲一老母，乃迂麤官自審亦良怪。行事動與今人

綿津山人詩集

卷二十九 紅橋集

十六

殊且同我輩，永今夕。缺月皎皎，縣牆隅短劄急報。  
漁洋老應有好句，酬狂奴。

附前題

至

前年纔葺子美祠，去年又刻東坡詩祠成。得以  
奉俎豆，詩成尚未陳明案。今年臘月十有九月，  
日適當公生時。我家舊藏笠屐像，摳衣冒雨行。  
透遲懸小滄浪度，致祭邀諸同人羅拜之。髣髴  
先生開顏笑，長鬚飄肩何嬉嬉。緬維景祐歲丙  
子，奎宿照耀臨峨嵋。大儒崛起司文枋，縱衡上  
下天人姿。無端黨錮來，奸忌百折不死神扶持。

公之詩歌炳星日光燄萬丈無時虧吁嗟乎不  
見四十二卷復完好何必景繁顧子吳興施

綿津山人詩集卷二十九終

綿津山人詩集

卷二十九

紅橋集

十七

綿津山人詩集卷三十

商丘宋 犖牧仲

滄浪亭詩

雨中元墓探梅

余於吾家山題  
香雪海三字

探梅冒雨興還生石逕鏗然杖有聲雲影花光乍  
吞吐松濤巖溜互喧爭韻宜禪榻閒中領幽愛園  
扉破處行望去茫茫香雪海吾家山畔好題名

又絕句

好遊吳下從來說元墓看梅半月忙頭白老翁公  
事了也教闌入散花場

綿津山人詩集

卷三十

滄浪亭詩

天平山四首

白雲泉

迢迢白雲泉一綫吐巖腹涓淨涵莓苔淒清韻琴  
筑時有白頭僧持瓢到幽谷

蓮花洞

嗟峨蓮花峰中有蓮花洞撲人蝙蝠飛霑袂煙嵐  
重斜陽倚洞門清嘯山猿共

大小二石屋

石屋藏碧巖戶牖天然具豁豁大小殊凡席總堪  
布好署燕子龕來學無生住

望湖鏡

山巔望湖鏡，團圓疑明月。風來勢欲傾，雨過光逾發。茫茫太湖波，鏡中望超忽。

送超姪歸里二首

廿載離懷結相逢，感慨多江湖。余遂老患難，爾纔過放眼。誇登眺，遐心託薜蘿。况當櫻笋候，容易醉顏配。

鄧尉花前屐滄浪，月下琴言歸仍繫。纜無計是抽簪，永日披圖坐全家。擊鉢吟預愁，相送罷後圃聽幽禽。

綿津山人詩集

卷三十 滄浪亭詩

送心壁道人遊黃山二絕句

黃山拔地萬峰攢，蠟屐空拋坐一官。羨殺道人瓢笠去，天都雲海盡情看。

迎客乍聞仙樂烏，盤空驚撫擾龍松。幽尋好問皮篷老，貌得山花又幾峰。

僧雪莊住皮篷嘗寫山花圖

附前題

宋 筠 蘭楫

纔共滄浪話言尋，六六峰鶯歌當祖席。嵐影入支筇，水挹砂泉潔。松憐晚翠重，匡廬舊隱處誰扣白雲鐘。

前題

宋 韋金 經一

小住滄浪正閉關探幽又欲向黃山橫肩瓢笠  
平頭杖一綫天中自往還

木蓮花發綠陰深山樂迎人弄好音安得抽身  
隨老衲洋湖雲海共清吟

題江邨北墅圖二首

北墅林丘藏曲折朝川酬倡繼裴王禹生此

鼎

畫手

看飛動不數盧鴻貌草堂

分題三十二嘉名是處招尋幽興生此日相思無  
限好梓花開落鳥嚶嚶

雨

綿津山人詩集

卷三十

滄浪亭詩

三

太湖瀕洞胥江平風吹梅雨驚如繩衣裳霑濕戶  
生菌步檐倚杖氣鬱蒸匡牀篔簹紋琉璃滑永晝偃  
臥聊曲肱池水激灑上階砌輓轡旋汲旋復增朱  
魚戢戢羅扇底投以餅餌波間騰斯時插蒔正旁  
午秧馬蹠躩來相仍勸農且駕撥頭舫斗酒慰勞  
循畦塍粘天雲水決背入村歌嘔啞得未曾西陂  
魚麥亦大好側身北望歸懷興

竹院

綠竹如綠玉葉葉森開張小院蔽白日青苔延石  
牀炎天急雨過撲鼻來濕香根觸念疇昔點筆當

筠廊

附  
前題

韋金

霽色明修篁羅羅展鳳羽行飾小院中脫綳紛  
可數綠陰生晚涼幽香滿庭戶東風時一吹枝  
頭滴殘雨

夏日于役毗陵舟中雜詠六首

布颿風送穩暑氣曉來蘇稻發坡陀隱雲開岸嶸  
孤三時快靈雨十載狎川途望子亭邊望晴波亂  
浴鳧

向夕長河外青來是九龍炎天坐隨牒靈境失支

綿津山人詩集

卷三十

滄浪亭詩

四

筇僧寶舍人筆

王孟端

泉雷坡老蹤祇今清夜裏懷

古意重重

園林秦氏好真趣甲江南澗曲泉聲聒池平松影  
涵天書仰騰翥古屋悶烟嵐擬挈桃笙去蘧蘧

一夢酣

彼美青門子

湘子

經時抱病歸蓉湖棲處近錦字到

來稀藥物分官閣文章拜布衣似聞牡丹候觴詠  
興無違

繫纜毗陵郡褰衣烈婦祠采風余入告賜表爾

應知曲几香蘋薦孤墳杜宇悲允宜稱鐵漢千載



勵鬢眉

烈婦徐州海氏遭強暴不辱死三十年後以余疏請得旌祠有香閨鐵漢額

吳歌何處發歸棹晚徐徐波上邀明月曾邊買活魚尋常詩老共公山容易世情疎思穎歐陽句沈吟獨悵如

### 結習二首

舊書探取幾迴溫結習應知老尚存靜聽旗門三弄鼓偶來竹逕一開尊浮雲頃刻看生滅歸計商量共子孫漫道犁頭蒼蘚積會須鏟削向西邨禪衣翦就買蒲鞵藜杖提攜興頗佳不怕炎官張火傘似移冰壑到衙齋新蕉舒卷從遮戶鬪蟻憑

綿津山人詩集

卷三十

滄浪亭詩

五

陵欲上階明月清池相對處詩成體自號俳諧

題畫二首

爲高江村作

### 董北苑半幅溪山行旅

詩中聖人杜少陵畫中聖人董北苑上承荆關得渾厚下啟倪黃入蕭散慣寫兩後江南山海岳房山支派衍山口待渡屢挂夢龍宿郊民舊過眼北俱

苑

畫半幅溪山行旅圖曾向春明一再展流傳有緒

寶華亭題字如蠶意款款往來懷抱二十年今日重披興非淺連天鐵壁開峻嶒穿石楓林列偃蹇山麓茅店走筆成人物草草生趣滿巒容樹色漲

檐楹神韻兒曹頗能辨譬之大令十三行無須完  
壁始稱善悠然靜對小滄浪神明昇輔虛妄遣東坡  
語畫理詩理好同參俯仰臨風快何限

黃大癡陡壑密林

一峰畫畫師虞山有元四家推第一人間摹寫莽  
煙海誰見超超塵外筆浮嵐暖翠蝴蝶飛雨意山溪

雨意

雖存非佳絕惟茲陡壑與密林簡遠蕭疎脫

軌轍片紙展處發幽光想見冲襟滿冰雪大癡非

癡句曲

張伯雨

云精進直入巨然室文敏敬跋奉常

王煙容

藏癡亦自愛此生活更有長卷富春山相配

綿津山人詩集

卷三

滄浪亭詩

六

歸然兩神物清鑒邇日歸達夫流覽容余共披豁  
箇中真趣解人難一笑柳塘來皓月

夢雲

幽夢入高峰雲氣吐縷縷盪胸忽瀾漫散作人間  
雨

九日遊寒山五首

稻黃山碧水淙潺九日風光破客顏不逐遊人治

平寺獨乘筍輦入寒山

迴環川色與巒容畫本初驚此地逢

沈石田有巒容川色圖

空谷菴中一延佇老僧纔打午時鐘

別從初地恣攀躋

法螺

赤憤紅英

見山谷詩

冷色齊欲

同彌勒龕中住省得幽香是木犀

螺頂由來絕點塵危樓嵐翠染衣中殷勤小摘籬

邊菊一薦寒山舊主人

漫同樵子問歸途片月迎人興不孤新詩寫就兒

孫和白傳當年似此無

閒情二首

庭院桂香中閒情老鶴同南田

禪正叔

遂已矣誰寫

鴻來紅

霜下荷全倒風吹柳愈疎往來小池上不覺十年

綿津山人詩集

卷三十

滄浪亭詩

七

餘

天平山看紅葉

五載爲拯饑歲晚駐河曲吳門好秋色不得一寓

目今幸書大有穩坐願良足飫聞紅葉佳爛漫天

平獨蕭辰發孤興牽藤入确犖時向野田中荈花

摘寒玉薦塢到白雲

詩名

千林蔽隈隩連蜷雅柏攢

天矯霜楓蠹或絢如蘋虬或燦如黃菊參錯青松

間一一媚晴旭勝接車箱嶺遠媿虞山谷

車箱嶺與虞山

吾谷並紅葉名

崖壑遍登頓石眼探飛瀑樵逕息腰腳

禪牀設茗粥斯遊愜微尚哦詩屢畫腹幽尋更何

處蠟屐望林屋

辛巳十月十日夢一巢居老人出示古琴云  
製自禿髮烏孤明日客以琴餉因記二絕

枯桐得自巢叟夢裏攜向山隅清並一泓秋水傳  
來禿髮烏孤

明日故人過我七絃特地相遺滄浪一曲彈罷勝  
事匪夷所思

題宋徽宗竹禽圖

春風良嶽罷朝時  
蕞爾微禽費睿思  
腸斷燕山亭  
子畔杏花新燕又題詞

綿津山人詩集

卷三十 滄浪亭詩

八

春日雨後遊華山伍氏隆池山堂因過合流

菴感舊有作

已酉夏同亡友計甫草  
遊此菴已三十三年矣

山行雨後佳是處泉聲作千巖若膏沐石磴松花  
落誰家丙舍傍柴扉隱叢薄桂枝低罨衣蘚色碧

迎屨堂開掩裏幽署書蛟龍攫

范長  
白筆

位置得真趣

總不事雕鑿穀雨爛天香風景緬嵩洛玉茗雜紫  
藤趙昌筆難著何須問主人園丁頗不惡矢口誇

種樹直壓橐駝郭古跡諳隆池遠岫指蓮萼跪言  
木犀開灑掃待觴酌一笑舍之去清興更踴躍隣

寺訪舊遊振策入寥廓門欹柳半存欄敗花偏灼

鐘魚晝無聲驚湍自噴壑年光等飛埃三紀恍猶  
昨老僧如野鹿見客不住腳會合念朋好風流悵  
寂寞向夕命歸艫沈吟返鈴閣

盤山青溝拙道人遠道見訪畱住滄浪亭二  
首

青溝闢就老烟霞瓢笠相過道路賒攜得一瓶豆  
苗菜來看三月牡丹花因緣大事公能了潦倒麤  
官我自嗟好向滄浪亭子上梅檀香裏奉袈裟

經行斜日且觀魚黃鳥緜蠻入耳初接席金風舊  
亭長竹垞懷人蠶尾老尚書阮亭春深玉版容參悟歲

綿津山人詩集

卷三

滄浪亭詩

九

晚花宮待掃除拂子一揮仍小住空林明月暮鐘  
餘

附 次韻奉酬

時以衲衣方  
竹杖見貽

智 朴

暫別青溝一片霞南來不怕路途賒爲尋澹蕩  
題襟客得看滄浪出格花世事從知都是幻人  
生任運莫須嗟拜賜金襴雖愛惜隨身敢棄舊  
袈裟

空亭要我去觀魚宛似莊周夢覺初故友追隨  
同笑語長安迢遞斷音書官從冷處千秋重心  
到空時萬境除攜得一枝方竹杖看山看水興

還餘

觀桃花扇傳奇漫題六絕句

侯朝宗李姬事

中原公子說侯生文筆曾高復社名今日梨園譜遺事何妨兒女有深情

南渡真成傀儡場一時黨禍劇披猖翩翩高致堪摹寫僥倖千秋是李香

氣壓寧南惟侗儻書投光祿雜談諧憑空撰出桃花扇一段風流也自佳

泪作桃花寄怨孤天涯把扇幾長吁不知壯悔高堂下入骨相思悔得無

綿津山人詩集

卷三十

滄浪亭詩

十

陳定吳次

生

名士鎮周旋狎客追歡向酒邊

柳敬亭蘇崑生

何意塵揚東海日江南畱得李龜年

丁繼

新詞不讓長生殿幽韻全分玉茗堂泉下故人呼欲出旗亭樽酒一霑裳

客有談康對山墳被發者慨然賦此

盛明七子交最篤康對山與李崆峒李在羅網康營救惡名何惜當時蒙此心久久益昭著千秋高義傳無窮誰知兩公歸地下先後舉不保殞宮往

者大陽

禹州山名崆峒華處

遭椎發遺骸委棄荆榛叢盧龍

義士為哭葬

韓子新鼎業

哀憤幾欲呼蒼穹邇聞武功

亦被禍黃腸拋擲郊原中身後畫鼓三百面那有  
長物煩剽攻控頤別頰真慘絕口珠不見來悲風  
嗟哉七尺已消化雙目掣電驚村翁咄咄怪事類  
陳武陳霸先鬢生白骨如飛蓬英雄才士兩不朽豈  
與泉路萬鬼同達人觀化有深省無須懷抱恒忡  
忡酒邊紀事一振筆回看圓月升天東

錄歐公思穎詩爲一帙諷而賦之

歐公宦遊每思穎集中備載思穎詩坐憐纓佩久  
羈束擬尋漁釣浮漣漪南都中書歷多載十有三  
首瓊琚詞迨毫及青三年耳中間吟詠實過之年

綿津山人詩集

卷三十

滄浪亭詩

十一

益加老心益迫千秋想見公風期我官于南將二  
紀清夢往往落西陂縛橋結屋野岸濶撈蝦打鴨  
扁舟宜縣車已屆願未遂以今視昔增悵而滄浪  
亭上月照席述鹿軒畔花盈枝是處取公詩再讀  
口爲流沫情爲移會須請急賦歸去耆英幾輩相  
追隨此詩此志喻者少只應輦下漁洋知

題吳荆山吹劍集兼寄韓幕廬王阮亭兩尚

書

昔人論彈琴但視第一指一指苟不合終身無合  
理吳子三吳彥文壇樹高軌風行遍海內制義振

散敲兒孫幸得師  
余接金玉美幾載  
不窺園坐伏烏皮  
几前年紅藥翻高  
讌官齋裏羣賢發  
新詠強韻分之子  
出口如景宗直抉  
騷人髓爾後袞袞  
來杜韓無堅壘一卷  
冰雪文把誦每移  
晷吹劍何言謙雅  
音實是在元晏得  
青門邵子余言遂可  
已秋風奮健翻天  
池看一徙攜琴向  
長安尚書扣知已  
願子慎所操勿悅  
箏琶耳

偶閱梁書陳伯之傳云暮春三月江南草長  
雜花生樹羣鶯亂飛隳括其詞作絕句一首

三月江南正好春水如碧玉草如茵雜花生樹鶯

綿津山人詩集

卷三十一

滄浪亭詩

十一

飛亂一段風光惱殺人

題顧俠君噉荔集二絕句

迢遙歸櫂自閩疆六月登臨興太狂  
添得新詩佳絕處武夷山色荔支香

炎官赫赫苦相仍柳下池邊尚鬱蒸  
尋幽想像天

遊宿

集中有宿天遊觀詩

胸次真同萬壑冰

題朱悔人廬山觀三疊泉圖

仰睇飛泉寄興孤石梁天半老僧俱若教  
添入滄浪叟便是當年三笑圖

冬日小滄浪同朱竹垞送張超然馮文子汪



武曹右衛蔣揚孫慕蒼玉公車北上兒至筠同行  
衛猗  
用方千寄吳礧韻

茂苑才欣接天台賦已成諸生方振翮一老待歸  
耕鄧尉傳梅信胥江雜雨聲颿檣乘漲發冠佩切  
雲行好赴春官驗無煩別恨生須知齊稷契莫止  
羨科名凍月窺簷白滄溪映酒清關山雙轂轉京  
國一軍驚杏蕊當春日音書望帝城騰驤隨驥  
騾何限囑兒情

附  
前題次韻

彝尊

綿津山人詩集

卷三十

滄浪亭詩

十三

問業龍門近聯華鳳策成齊浮渡淮舫並輟有  
莘耕騏驥爭先路堦篔簹恰應聲井東星偶聚河  
朔計偕行葭琯迎陽動梅花破臘生五雲邀驛  
傳千佛注經名入解冬猶暖臨池水至清別筵  
容我共佳句使人驚送喜中丞座馳書北斗城  
非徒慰公望兼協野夫情

悔人之官石泉過吳見訪以江上圖索題蓋  
取義太白江上吟寓豪舉也漫題二絕

木蘭之柹沙棠舟太白高風萬古畱羨爾畫圖輕  
奪取也從江上載花遊

蜀道迢迢向石泉楓橋祖席正霜天峭颿欲發不  
肯發苦索故人詩一篇

吟窩小集賦贈悔人用楊鐵厓在彝齋試新

製鐵穎韻

髯也嶽嵴有高格談鋒不讓過江賢氣吞雲夢九  
百里名著風騷三十年此去石泉容嘯傲何須勾  
漏學神仙吟窩酒熟梅初放且艤橫塘鳴背船

附次韻奉酬

載震

霜月窺簷鈴閣靜花前展席列羣賢何期深坐  
當今夕不減豪情憶往年籜觸羝羊空有角字

綿津山人詩集

卷三

滄浪亭詩

十四

餐脈望未能仙感公惆悵分攜意緩刺歸途入  
峽船

題李營丘古柏圖邀悔人山公同賦

屏開颿颿飄霜風誰移老柏高堂中幾枝掩映接  
邃谷千尋挺拔當晴空韻流戶牖香滿席衣袂霑  
翠清陰重畫手似此刮造化令人一見心神融龍  
腰紐結繡蒼蘚鶴蓋蔥蒨凌長松其下叢棘紛點  
綴坡陀迤邐泉淙淙營丘劇蹟壓范

寬

郭熙

零縑

寶與琬琰同孔明廟中少陵賦太室山下武帝封  
一旦放筆巧摹取離奇臬兀驚兒童近代文沈頗

能事七星古檜貌洞宮祇向元人得氣韻那許哲  
匠爭寵從歲晏張圖鎮面壁儼探林壑搢吟筇詩  
句排界與畫敵急請二客來交鋒

附  
次韻奉和

載震

清晝柏影迴長風鬱蒼挺立生綃中根纏礪礪  
枝屯霧驚怪遠勢摩層空水墨通神真奇絕葉  
柯交錯寧嫌重昔聞畫師非俗士興與理會象  
外融肪含芝朮隕叢草容歷冰雪抗五松屈鐵  
皮紐青苔古黑陰垂蔭大壑涼信非營丘無此  
手咨嗟滿坐心賞同疑是當年植新甫龍姿鶴

綿津山人詩集

卷三十

滄浪亭詩

十五

骨煙霞封不爾曲筋絡榛蔓野燒難免來樵童  
材大身全亦可貴何必定入明光宮青牛化去  
將焉往且飽雨露臨崆崕樽開華屋一相對宛  
陟崇岡扶孤筇李圖宋詠幹元化更誰劇壘能  
銛鋒

景

崇岡古柏搖天風如何屹立高齋中礪礪孤撐  
壓萬木榎楠杞梓椅梧空奇姿屈鐵龍骨死數  
圍不計蒼雲重黑入太陰含兩氣蛟鼉翻浪流  
膠融蒼皮駁如孔林楷碧蘚斑似秦時松忽聞

天籟起毫末，髣髴四壁泉淙淙。乃知畫手逞神  
妙，畢宏韋偃經營同。作者擅場營丘李，祇疑放  
筆圖登封。黛色參天踞地勢，何止車蓋張童童。  
黃鸝猶在孔明廟，白牡未薦奚斯宮。園桃天天  
棗纂纂，蔥蒨那得標龍從。斯材足任棟樑重，詎  
比篠蕩聊支筇。珍圖好句兩不朽，把筆欲賦難  
爭鋒。

和前題

彝尊

毗陵董啞子不畫山，畫水淮陰龔高士不畫人。  
畫鬼乃知負絕藝，落筆恒自矜獨立。萬古意恥

與時爭能試觀營丘畫，中柏宛似青牛道士井。  
邊植一株足敵一百株，數尺看成數千尺。樹根  
有泉亦有石，樹旁有草亦有棘。當時畫柏不畫  
松檜葉，縱身更奇特。商丘副相寶之久，是日從  
容出娛客。滿堂觀者齊動色，濃香亟就茱几薰。  
韋偃畢宏妒不得，此樹不知壽幾千。或與黃帝  
兄同年，吟窩東北池西偏。玉丫又挂逾清妍，仿  
佛素壁生蒼煙。公乃體物賦長篇，格高調逸信  
可傳。我見近來文官惟公不要錢，寄興自有珊  
瑚鐵網珍珠船。往年文康公晚爲孝陵輔君

臣相悅邁曩古餘調文武致太平 賜子圖書  
出 內府郭熙范寬真跡存猶載香厨舊時譜  
公今鑒賞多愈精暗中以手摸絹可別宋元明  
得閒論詩兼論畫過庭才子迭品評三吳開府  
近一紀盡收江表詩人作弟子只如二客  
謂朱馮二  
子亦是詩中豪惜我和歌今老矣

次韻答阮亭尚書

停雲賦罷思悠悠三紀論交已白頭記得與君初  
見日一樽松下說黃州  
歲丁未余以黃州倅入觀寓報國寺

附原唱

士禎

綿津山人詩集

卷二十

滄浪亭詩

十七

尚書北闕霜侵鬢開府江南雪滿頭誰識朱顏  
兩年少王揚州與宋黃州

犇牛道中二首

一片濃陰壓大河翻盆急雨打船過水車不響農  
歌歌但聽飛泉落澗阿  
斜陽開處稻油油坐向篷牕對浴鷗自笑真同蟻  
旋磨一年六次過犇牛

綿津山人詩集卷三十終

綿津山人詩集卷三十一

商丘宋 犖牧仲

迎 鑾集

康熙癸未春河工告成

上親臨閱視 皇太子侍行臣犖趨迎境上途次

恭賦二首

幾度

宸遊問濬川平成今遇錫圭年

天心總爲蒼生繫 廟算眞超大禹前  
鱗舍魚邨

齊望幸汀桃岸柳各爭妍  
久膺旄節慚無補清靜

綿津山人詩集

卷三十一

迎 鑾集

惟期效昔賢

勾陳停處省耕桑

聖主憂勤久愈彰 少海遠依

宸幄至 重離共仰屬車旁  
問安綺陌晨昏肅授

簡春風翰藻香一事擬從天上乞  
西陂烟水任相

羊

駕幸金山 允臣請 賜御書西陂二字恭賦一

首

聖皇巡河拯昏墊 省方布德臨江南  
金山名勝

帝所愛 翠華四度來幽探  
時維仲春之九日樓

臺巖壑晴光含

皇情悅豫灑

宸翰動靜萬古題精藍

時上題動靜萬古

四字羣臣跪覲目瞪久龍鸞飛舞輝江潭臣奏宋臣

有故事石湖賜字榮抽簪臣鄉西陂富烟水鷺朋

鷗友素所耽乞 賜寶墨壓成大不令獨美千秋

談

至尊含笑輒命筆驪珠寵賁添驚慙觀者如堵劇  
歎羨欣飛競進偕瞿曇自顧垂老荷曠典涓埃未  
報情何堪拜歸倚棹一瀕首虹光照燭凌烟嵐

恭頌

綿津山人詩集

卷三

迎鑾集

二

萬壽詩

有序

皇帝御極之四十有二年春河工告成六龍親

閱 省方南幸黎庶觀光適逢

萬壽無疆咸頌

一人有慶臣孽承乏守土再覲

天顏得遂呼嵩忭舞之私竊附薄海賡颺之後詩

成百韻律製七言凡千有四百字管窺蠡

測莫罄 高深庶幾鋪張 對天之闕休

揚厲 勤民之偉績文雖荒陋志切詠歌

謹拜手稽首以獻詩曰

萬年

天子太平春大衍忻逢協洽辰表裏河山真孔固  
升恒日月自常新虹流華渚先徵兆電繞樞星早  
降神有命自天隆峻極無爲而治軼常倫從來十  
有歌君子自古三多祝 聖人虞夏商周開壽域  
東西南朔轉洪鈞赤符握後雍熙奏青簡書來美  
善陳曆服無疆能續

祖孝思不置在尊

親寢門綵舞龍樓夕閨苑萱舒鳳輦晨

明德殿中嘗膳旨

綿津山人詩集

卷三十一

迎 樂集

三

宣仁宮裏獻卮醇炙來白鹿歡呈尾脯進黃羊笑  
啟脣

慈聖貽謀傳永永 元良垂裕慶振振鯉庭言動  
聞詩禮鶴禁溫恭愼笑顰丕顯丕承師不遠重輝  
重潤瑞相因克昌厥後金枝衍則百斯男 寶訓  
諄問夜瞻雲無日懈五風十雨有時訢寸心俄頃  
周青甸萬里痾瘵達

紫宸親睦平章光上下疇咨吁拂敬臣鄰春秋絃  
誦敦庠序

郊廟馨香潔祀禋刑省三千執法簡條 頌十六



教民淳官方考績徵龔遂輿論優賢借寇恂無黨  
無偏遵路直有馮有翼弼謨誥緬思三葉干

天紀遂發千駟動地塵迅轉秦車馳暢轂大鳴越  
鼓扣金鐔

王師聲罪清淵藪大將臨戎掃棘榛韎韐未曾瞻  
至洛黍苗先已慰來邠星旗耀日全吞蜀霜戟凌  
風直到閩箭射六麋飛電刷軍摧九虎疾雷震西  
開棘道綏蠻徼南關黎關奠海濬銅柱珠崖齊向  
化龍湖象郡悉來賓鐵橋已立韋臯壘玉斧還通  
莊躋津紫蓋黃旗降已晚青絲白馬悔何悛走林

綿津山人詩集

卷三十一

迎鑾集

四

盡竄昆陽象營窟全除東郭窺况附臺灣收島嶼  
也隨職貢達江岷封侯相叶頭如虎裂地勲酬手  
不龜旣築鯨鯢歸凱宴畢除臬鏡解戎初敷天共  
服

皇猷壯羣帥能欽

廟略遵何意狼烟明絕塞又煩 鸞輅出重闈桃

花露拂朱旂染楊柳風牽翠葆紉 三駕陰山奔

駭鹿一臨瀚海伏窮鱗熟籌上策非矜武但治渠

魁可徧徇雷雨動時開草昧剛柔交後始亨屯未

哀荆旅淹三載祗格苗頑逮七旬西賈南琛紛躋

躋梯山航海互跋象胥誰敢不來享 龍德方  
知自有真天不階升高莫並地非尺度遠無垠堂  
廉雖肅猶三接衽席能安及八簣有此武功何赫  
赫矢其文德更彬彬日新學問空前哲

天縱聰明卻介儉火照青藜宵不夜珠探赤水旦  
方寅左繩右矩禊躬密玉振金聲履道純六藝精  
微尊曲阜五經同異析成均每嘉文學如游夏更  
飭儒修判孟荀孝秀書升羅俊髦圭璋特達黜囂  
囂譬需巨室樑楹柱必備良材栝柏柁夢卜載姜  
辭釣渭聘纁來尹罷耕莘乾乾終日 宵衣屢矻

綿津山人詩集

卷三十一 迎鑾集

五

矻窮年 旰食頻赤縣有儲常豫積蒼生無告輒

周詢 省方哀對臨吳越輯瑞懷柔蒞晉秦 賜

復普天霑湛露 蠲租率土起荒蕪青寬棘木春

鷹化仁沛桑田野雉馴已貯常平供大賚復畱轉

漕勸吹豳連年徐泗衝波亟五載淮揚振廩勻南

畝百千羣貸粟西江十萬遠輸困澤飛鴻雁人安

堵吏牧牛羊農樂昉寅畏治民齊太戊普施利物

媿高辛關譏未作通平準稅恤商車不算緡采菲

受言因止輦懸鞞聞善卽書紳衣冠璧水圜橋聽

圖史金華鼓篋呻中祕縹緗翻蠹粉西崑芳潤選

彪彪萬幾多暇奎章煥二酉餘閒

齋製伸雲漢昭回文濯錦蛟龍飛舞筆鈎銀詩如  
雅頌饒溫厚書使鍾王失寶珍典重瞽宗親釋菜  
蜡隆鄉飲禮成俛每行黜陟薰分猶不使賢愚玉  
混璣禹域繼離乘橈楫堯言申吳渙絲綸桑乾  
齧岸狂瀾橫瓠子衝隄故道堙鐵鎖支祁齊下竹  
壁沈河伯捷捷薪渠成燕趙神爲助水滙淮黃績  
不泯草木知春先望幸梅花如雪又時巡汾陰  
寶鼎輕沙礫成紀黃龍比蛭螾豈若

皇心安海宇轉忘

綿津山人詩集

卷三十一

迎鑾集

六

帝力莫河濱去年全免江東賦今歲除征皖右民  
應見虞廷儀鸞鶩會覘文囿舞麒麟南山翠色長  
蟠嶽北極瑤光自照旻四十二年恩愈渥千三  
百載美誰臻孤生黃口叨餘蔭竊附青雲早致身  
德合天人歸一統任參調燮寵先臣螭頭交戟鶴  
班侍豹尾隨車虬漏浚報國愚忠蒙鑒拔居  
官曲謹仰陶甄濫竽旄節躋榮膺攬轡封疆事  
拊循未及鄭莊能薦士僅如庾亮不私姻深慚懷  
抱褒清朗實愧誠民獎惠仁已際時雍收棫  
樸尚圖歲晚勵松筠都忘柳質因霜悴惟矢葵心

向日申駑鈍豈追千里馬品題空負九方歎幸逢春日歌魚藻敢托秋風想鱸蓴但以衰年堪杖國或邀盛典許懸輪天高地厚何時報海宴河清此日洵三萬二千成一歲老臣長願戴靈椿

駕幸浙江仰荷優老殊恩命於吳門祇候敬

賦一律

隨刊續奏幸南邦翠蓋華芝汎大江吳越韶光開輦路湖山秀色入船艖湛恩汪濊康衢頌睿藻繽紛藝苑降白首重蒙優詔及自憐遭際近無雙

綿津山人詩集

卷三十一

迎鑾集

七

扈從雜紀十二首

迎鑾日記有前編已卯南巡臣有迎鑾日記再扈宸遊

荷寵偏天上玉音頻問答愧無文筆繼胡銓

銓有五音問答

郊城四鼓漏聲沈驛騎傳呼使命臨不道微臣

衰朽質雲霄獨繫

聖人心上念臣年老遣侍衛止臣遠迎

道旁迎謁快瞻雲喜氣真從豹尾分白首中丞還

健在微聞

天語告儲君

故人相遇屬車旁，弱歲同為執戟郎。話到承恩

先帝日不禁，老淚各霑裳。侍衛鄂羅世祖朝與臣同官

河堤四幸惠，元元善後經營總。湛恩雞犬不

驚邨舍靜，鑾輿親歷小桃源。邨名

御筆頒來訝再三，西陂寶墨祕龍函。一時盛事流

傳速，已入漁洋續偶談。臣於金山援范成大石湖故事乞得御書西陂字

王尚書士禎探入續池北偶談

九重恩賚劇便蕃，貂帽龍袍並上尊。故鄉再建

寶綸閣，官舍新開賜果園。上賜西域異種葡萄二株

天廚珍品來絡繹，土木上藥挹芳芬。綠端眼鏡萬

綿津山人詩集卷三十一 迎鑾集

壽字鄭重還從，御佩分。上取松花江綠端石鍊作玻璃眼鏡皮函上有

金絲繡萬壽字精妙絕倫

最無謂者，惟任子極力排詆，自老泉老臣所遇總

格外。詔同宰相校詩篇。吳門進詩者命臣同大學士張玉書閣定

奎章照燭日，星高海內諸儒仰。望勞劓，劓流通非

細事，偏容薄劣外臣叨。上允臣請頒發御製集刊布

周廬召對竭愚衷，冲默應知感遂通。誰云廉遠

堂高處，不與家人父子同。

自憐老去遭逢盛，倚馬吟成紀事詩。幾日一閒真

到手，斜風細雨賦西陂。

使院新構成恭懸清德堂 賜額適至兒南

宮捷音至

池北新堂啟恭逢 賜額來 殊恩嘉舊德重地

愧凡才賦客追隨過林花次第開老懷添慰藉送

喜又燕臺

六月苦旱忽蒙 恩賜 御筆書扇二柄旋

得大雨恭賦紀事

火雲燒空何赫赫是處山田盡龜坼千邨望雨農

歌勞職在封圻憂懼迫忽驚 寵命九霄臨習習

清風傳薊北近臣 織造臣 李煦 捧賚寶光歆 御書二

綿津山人詩集

卷三十一 迎鑾集

九

扇蒙 天錫老臣拜罷敬展觀鳳泊鸞飄雙拱壁

其一 御製省刑詩仁民 德意殊惻惻背寫雜

花艷有香紫檀細股窮雕飾其一白檀嵌美玉尺

餘宮扇真劍獲諦視名畫屬徵明玉帳山銘 御書此銘

聖人蹟動搖炎暑訝迸退到眼陰雲漸四塞涼颺

急雨如願來原隰勻勻霑滅澤從此南國慶豐登

野老恬熙安作息須知太平有本原端自吾 皇

手中得

題西陂先生迎 鑾集二首 彛尊

魚水君臣古不如 玉音問答駐 乘輿近來

官閣無雷牘更 敕香厨校祕書

西陂水比石湖清雲漢天章照影明且莫平泉  
疏艸木試看馬乳後園生

上巳卯南巡視河 賜江寧巡撫臣宋犖仁惠誠

民四大字又 賜懷抱清朗四字癸未以河工  
告成再

南巡渡江 駐蹕金山之江天寺犖扈從因奏臣  
家有別墅西陂敬乞

御書西陂二字 賜臣不令宋臣范成大石湖獨  
有千古

綿津山人詩集 卷三十一 迎鑾集

上笑而書之即以 頌賜

駕回行宮又

命侍衛取入重 書賜焉再 賜清德堂額犖西

陂有緯蕭草堂芟梁釣家諸勝常屬予輩賦詩

今乃獲

御書張之不世之遇也古來名臣別業最著者無  
如午橋平泉顧未聞有此矧輞川盤洲以下乎  
犖自有詩紀事濟南王士禛敬爲之跋

綿津山人詩集卷三十一終

商丘宋之南京也東都盛時由汴水浮舟達通津門三百里而近車徒之輦互冠蓋之絡繹妖童光妓自露臺瓦市而至樂府之流傳朝倚聲而夕勾隊於照碧堂上蓋流風雖遠遺響宜有傳者故言詞於汴宋若燕函秦廬夫人而能之者也然自金源變而爲曲中州言韻者四聲乃去其一按以大晟之律呂不能無誤生於是土者又必游覽四方交友之往來審音於南北清濁之辨用心專一而後可無憾焉理藩院判宋君牧仲儻好結客其談論古今袞袞不倦至爲長短句虛懷討論一字

楓香詞

序

未安輒歷繙古人體製按其聲之清濁必盡善乃已故其所作咸可上擬北宋雖東南以詞名者或有遜焉不觀夫函乎必先爲容乃以制革權其上下旅衣之始可無斷至於廬摩鐳矣又置而搖之使其無蝟炙諸牆以眡其撓之均橫而搖之以眡其勁蓋專且審如是然後謂之國工則非燕秦夫人之所能然矣君之詞殆類是與秀水朱彝尊序



楓香詞目錄

天香

水龍吟

摸魚兒

齊天樂

二調

桂枝香

虞美人

永遇樂

調笑令

阮郎歸

唐多令

蝶戀花

綺羅香

魚遊春水

青玉案

送我入門來

醉太平

柳梢青

百字令

楓香詞

目錄

少年遊

三字令

越溪春

珍珠簾

采桑子

南浦

高陽臺

楓香詞

商丘宋 犖牧仲

天香

龍涎香

島嶼蟠沙煙波抱月潛虬吐沫如許斂自綃宮滴  
同被露萬里浮槎誰取博山小試似快剪雲英一  
縷裊裊縈簾拂座悵望海天何處 最憐空閨獨  
炷對氤氳燕梁鶯戶漫倚銀篝聽盡夜深梅雨此  
際相思不淺嘆荀令風流頓非故素被餘薰纏綿  
未去

楓香詞

水龍吟

白蓮

田田漫舞銀塘魚牀捧出梨雲好新妝淡佇靜窺  
湍瀨臨風窈窕翠羽低穿水萍斜壓數枝偏皎宛  
湘妃獨立輕綃掩映明璫綴波光照 三十六陂  
森森漸黃昏冰姿恁悄開宜玉井折應素手闌紅  
都掃露冷纔香月明無影蘂花共老對鶴洲千朶  
堪成雪賦向鄒枚道

鶴洲在梁園即鄒枚賦雪處

摸魚兒

尊

甚江東綠波無際，  
柳湖風物尤美。露葵生處，  
春洲遠翠，葉紫莖鋪水。  
輕摘起，見說道參差荇菜，  
渾難比。煙村小市，  
算只有吳鮮，依稀股好，  
自伴菰米。秋風動，  
有客天涯，徙倚采芳，  
曾作歸計。當時但爲鱸魚膾，  
何事悵然如此。誰鼓柁，  
常是那香羹調。向蘆花裏，  
樽前漫記。與碧澗芹芽，  
簾泉玉版，瀟灑共丰味。

齊天樂

蟬

西園漸屆清商節，  
疎林一聲淒切。葉底潛流，  
枝頭

楓香詞

乍送常向空庭，  
紛聒齊姬，恨結正無限。傷心曉風，  
殘月寥落，高天滿身涼露，響還歇。  
故園舊曾聽處，  
柴門閒倚杖。清韻飄忽，  
翻入雲深，傳來院靜不數衰蛩啼鴉。  
悲秋自說，任南陌東城，斜陽明滅。更憶閨中，  
鬢絲真髮。

桂枝香

蟹

江湖歲晚，正水落空洲，  
楓下高岸。設斲平沙，  
敗葦燈光零亂。輪囷乍向臨流，  
得掩青筐，霎時皆滿。誰憐攜去，  
漁莊草舍，清霜一片。又早是重陽，  
款宴

嘆秋色殊佳籬金初徧幾處酒人對擘新橙同薦  
老饕只愛持螯嚼想眉山曠懷如見還從醉後茶  
烹石鼎恍窺雙眼

齊天樂

春日同諸公遊祖園分賦

柳煙如織綿初落好春尚留南郭野色分橋清陰  
漲圃彷彿江鄉池閣碧黍吐萼更紅藥芽新紫藤  
苞弱斜日溪亭半篙綠水燕低掠舊遊歲華已  
遠賓朋仍此地共傾山酌扇底眉彎花間句麗多  
少相思依約東風輕薄漸吹得羈人鬢絲非昨一  
楓香詞

曲高歌醉中天作幕

虞美人

酒邊用吳凝父春色韻

橫波剪得吳江影髮覆蟾蟾領文茵走上臉微紅  
恰聽雛鶯羞澀呀東風輕盈擬倩遊絲惹留住  
春光也暖香艷雪綺筵邊好個朦朧煙月斷腸天  
永遇樂

柳絮和曹實菴

望去非花飄來疑雪輕狂如許未作浮萍已離深  
樹此際誰爲主隋隄三月幾回翹首一片漫天飛

舞最堪憐無根無蒂總被東風弄汝 蹋歌魏女  
離情多少問道春光何處乍撲空簾旋粘芳暎好  
倩鶯銜取還思往日鵝黃初染變態頓分今古枉  
垂着長條踈地綰伊不住

調笑令

任丘旅店有吳門怨婦題句自敘云妾白梳  
月號蓮仿家住半塘勿失雙親寄養他姓姿  
容略異慧業不同非敢擅秀閨中願效清風  
林下豈意我生不辰所適非偶日彈琴而相  
對百恨纏綿時捲幔以言征一詩哽咽余爰

楓香詞

四

題之驛亭人各憐之黃土可耳丙辰三月廿  
日北上過此挑燈細讀感慨係之因繫括原  
詩爲小令用貽好事云

吳宮春深怨別離風塵慘淡雙蛾眉鵲啼月落  
寸腸斷香消芍藥空垂垂流黃未立機上織生  
小殷勤弄文筆新詩和淚寫郵亭珍重寒宵誰

面壁

面壁淚痕濕想見含毫燈下立風鬟雨鬢吳宮隔  
芍藥香消堪惜明妃遠嫁歸何日一曲琵琶悽惻

阮郎歸

聞畫眉聲和徐方虎用山谷韻

雕籠小鳥兩眉彎誰爲描遠山好音縹緲落簷前  
空堂成碧山 低格磔碎聞關新聲李義山聽鸚  
攜酒送春間何時少室山

唐多令

偶憶

楊柳正如絲蟲蟲見客時愛房櫳乍出遲遲幾度  
問年羞作答微笑道有娘知 回首便天涯幽情  
減牧之恨紅橋雲樹迷離應是尋春人去晚風雨  
過綠陰滋

楓香詞

蝶戀花

送曹峨眉歸毘陵用王阮亭韻

溽暑長安榴吐頰客憶蓴鱸不待清秋節座上高  
談驚乍歇篋中留得文如雪 折柳旗亭歌一闋  
竟別東華人道真癡絕無限相思何日徹春申浦  
上蘆花月

綺羅香

螢

借草生情因風弄影熠燿飄來何處箇箇輕盈點  
綴秋光無數纒亂穿小幔疎櫺又暗照空墻廢圃

似從他技獐天孫繫星灑作夜深雨 佳人輕把  
扇子撲取青苔砌上玉纖籠住淒切寒蛩妒殺流  
輝遲暮怕燭至暫斂微明綴庭柯頓成珠樹最堪  
憐數斛徵求遍山崑放去

隋煬帝徵求螢火數  
斛夜遊遍放崑谷

### 魚遊春水

#### 漫懷

蕃馬屏風小圍向洞房春正好鴛鴦飛起不道雲  
深波杳映日曾憐杏蕊新籠煙還憶楊枝裊片月  
常虧雙魚慙少 遠道萋萋芳草天外山同眉黛  
掃誰知孤客登臨總傷懷抱輕寒輕暝春歸久閒

### 楓香詞

悶閒愁秋到早斷續哀蛩蕭疎叢篠

### 青玉案

#### 余以楓香名詞漫賦

楓香橋是黃州路曾岸幘扶筇去一望霜天風景  
暮空山流水白雲紅樹動我悲秋賦 於今屢夢  
高歌處聊取嘉名錫癡語蘭晚金荃休見妒花閒  
低按尊前輕度總愧江楓句

宋高賓王詞  
名竹屋癡語

### 送我入門來

#### 閨怨

翠浪翻帷紅綾燦枕燈花細落銀缸夜雨春風寂

寔掩蘭房吐絲妾似蠶眠箔奈化枳君同橘過江  
此恨倩誰說與願逐晨風飛去遂到君傍水遠  
山高雲樹但蒼茫鴛鴦幾見池中睡歎芍藥空飄  
檻外香

醉太平

春閨用方虎偶作韻

花開亞枝鵲飛遶枝臨風偏惱萱枝道春歸有期  
窗懸網絲琴間鳳絲傷心聊寫烏絲問人歸幾  
時萱枝  
婢名

柳梢青

楓香詞

早春

何事淹留朝來春色又遍皇州綺陌陌燒燈鳳城挑  
菜吹面風柔 招尋漫逐鳴騶回首處傷心舊遊  
燕子穿簾杏花倚檻小小紅樓

百字令

同王北山葉詠菴王阮亭過張晴峰寓齋聽  
金山人彈琴晴峰出藏  
畫鑒定

消憂何處愛張融舟屋軒窗偏濶綠樹陰森新雨  
後一架藤花爭發文酒移情雲煙過眼俯仰塵襟  
豁枯桐掛壁鞠通古琴內  
姓蟲名隱隱曾鬻客有江左



風流郢中高調抱取金徽拂四座無言燈影靜清  
響傳來超忽曲奏離騷腸迴冰炭宿鳥驚林樾嗒  
然相對當簷飛出明月

少年遊

清明

禁煙時節好花開客思暗中催幾樹垂楊一庭芳  
草小兩燕初迴春光記得江南早林際倒深杯  
杏子衫輕藕絲裙軟游女踏青來

三字令

春夜雨

楓香詞

春正好雨絲絲濕花枝朱戶掩畫屏圍耐輕寒聽  
細響夜何其三更後夢遲遲幾多思燈影澀漏  
聲稀恨殘紅愁嫩綠曉來時

越溪春

賦得流水爽花色

灼灼花開溪水上天氣艷陽中斷橋野岸芳菲滿  
把碧流染就嫣紅沙鳥驚波遊魚駭浪春到綃宮  
木蘭艇趁東風好景武陵同最憐十里五里淺  
瀨明霞一片輕籠漁父舊時應有恨捨棹去匆匆  
珍珠簾

題陳其年詞集

蘇門曾說孫登嘯又何似仲舉清歌偏好一曲和  
皆難聽餘音縹緲漫寫江南腸斷句又變作離奇  
天矯高調是烏絲舊唱迦陵新草還憶往日風  
流向旗亭畫壁雙鬟爭道廿載飄零剩髯霜多少  
天子凌雲思賦手喜歲晚遭逢非小堪傲有牛腰  
詞卷將人壓倒

采桑子

舟泊南康望廬山用錢介維韻

停帆舊是兵戈地寂寞城闌腸斷行人何處炊煙

楓香詞

九

一縷新屏風九疊千霄立翠染波紋多謝匡君  
雙劍峰高割曉雲

南浦

登滕王閣

高閣尚巋然背江城俯瞰東流朝暮雙槩遡波來  
登臨好襟帶風煙無數斷霞縹緲孤飛猶是當年  
鷺潭影悠悠渾不定送盡幾番歌舞最憐詞客  
消沉有殘碑剥落半敲古礎勝地走戈鋌帆檣集  
乍息一天鼙鼓倚欄呼酒黃昏還聽濤聲怒歸去  
篷窗明月上照我醉眠南浦

高陽臺

章江舟次讀玉田詞步集中韻

遠水拖藍晴峰送翠徐牽三板輕船野岸風箏撩  
人恰是新年垂楊不負東君約裊鵝黃一色堪憐  
更悠然幾處漁歌幾點村煙 家山回首斜陽外  
但萋萋芳草淼淼長川十八灘遙舟人指向鷗邊  
紅牙漫拍玉孫句倚篷窗聊破愁眠莫垂簾尚有  
江梅尚少啼鵲

楓香詞

漫堂說詩

商丘宋 犛牧仲

詩者性情之所發三百篇離騷尚已漢魏高古不可驟學元嘉永明以後綺麗是尚大雅寢衰獨唐人諸體咸備鏗錡軒昂爲風雅極致顧篇什浩繁別裁不易高廷禮品彙庶幾大觀廷禮又拔其尤者爲正聲一編近代庶常館課與文章正宗並誦習之蓋詩家之正軌也學者從此入門趨向已定更盡覽品彙之全編考鏡三唐之正變然後上則溯源於曹陸陶謝阮鮑六七名家又探索於李杜

漫堂說詩

大家以植其根柢下則汎濫於宋元明諸家所謂取材富而用意新者不妨瀏覽以廣其波瀾發其才氣久之源流洞然自有得於性之所近不必樛唐不必樛古亦不必樛宋元明而吾之真詩觸境流出釋氏所謂信手拈來莊子所謂螻蟻稗瓦甃無所不在此之謂悟後境悟則隨吾興會所之漢魏亦可唐亦可宋亦可不漢魏不唐不宋亦可無暇模古人並無暇避古人而詩候熟矣不則曾無定見隨波而靡譬一盲導之於前羣盲隨之於後曰左曰右莫敢自必烏虜可哀也已

明自嘉隆以後稱詩家皆諱言宋至舉以相訾訾故宋人詩集度閣不行近二十年來乃專尚宋詩至余友吳孟舉宋詩鈔出幾於家有其書矣孟舉序云黜宋者曰腐此未見宋詩也今之尊唐者曰未及唐詩之全守嘉隆間固陋之本陳陳相因干喙一倡乃所謂腐也又曰嘉隆之謂唐唐之臭腐也宋人化之斯神奇矣蓋意主掇弊立論不容不爾顧邇來學宋者遺其骨理而捋扯其皮毛棄其精深而描摹其陋劣是今人之謂宋又宋之臭腐而已誰爲障狂瀾於旣倒耶

漫堂說詩

李于鱗唐詩選境隘而辭膚大類已陳之芻狗鍾譚詩歸尖新詭僻又似鬼窟中作活計皆無足取蓋詩道本廣大而彼故狹小之詩道本靈通變化而彼故拘泥而穿鑿之也近日王阮亭十種唐詩選與唐賢三昧集原本司空表聖嚴滄浪緒論所謂言有盡而意無窮妙在酸鹹之外者以此力挽尊宋祧唐之習良於風雅有裨至於杜之海涵地負韓之鰲擲鯨喙尚有所未逮

古樂府音節久亡不可摹擬王世貞李攀龍及雲間陳

子震李龍諸子數十年墮入雲霧如禹碑石鼓妄欲

執筆效之良可軒渠少陵樂府以時事創新題如  
無家別新婚別畱花門諸作便成千古絕調後來  
張籍王建樂府樂天之秦中吟皆有可採揚鐵厓  
詠史音節頗具頓挫李西涯倣之便劣要當作古  
詩讀無煩規規學步也亡友顧赤方景星擅長此體  
余最好之

五言古漢魏晉宋名篇甚夥獨蘇李十九首另爲  
一派阮亭云如無縫天衣後之作者求之鍼縷襞  
積之間非愚則妄誠哉知言阮嗣宗咏懷陳子昂  
感遇李太白古風韋蘇州擬古皆得十九首遺意

漫堂說詩

三

于鱗云唐無古詩而有其古詩彼厯以蘇李十九  
首爲古詩耳然則子昂太白諸公非古詩乎余意  
歷代五古各有擅場不第唐之王孟韋柳卽宋之  
蘇軾黃庭堅梅堯臣陸游要是斐然而必以少陵爲歸  
墟昔人詩評杜工部如周公制作後世莫能擬議  
蓋篤論也至杜之北征詠懷韓之南山諸大篇尤  
宜熟誦以開拓其心胷

七言古詩上下千百年定當推少陵爲第一蓋天  
地元氣之輿至少陵而盡發之允爲集大成之聖  
子美自許沈鬱頓挫掣鯨碧海退之稱其光燄萬

丈介甫稱其疾徐縱橫無施不可孫僅亦稱其馳驟怪駭開闔雷電合諸家之論施之七古尤屬定評後來學杜者昌黎子瞻魯直放翁裕之元好各自成家而余於子瞻彌覺神契豈所謂來自華嚴境中者余亦有少夙緣耶初唐之長安古意帝京篇已屬陳言無須效曠何大復序明月篇謂初唐四子之作往往可歌反在少陵之上此未嘗槩七言之正變而言之不足爲典要也

律詩盛於唐而五言律爲尤盛神龍以後陳昂杜

審言沈宋開其先李杜高岑王孟諸家繼起卓然名

漫堂說詩

家子美變化尤高在牝牡驪黃之外降而錢劉韋應士物郎元清辭妙句令人一唱三嘆卽晚唐刻畫景物之作亦足怡閒情而發幽思始信四十字爲唐人絕調宋元明非無佳作莫能出此範圍矣

初唐王楊盧駱倡爲排律陳杜沈宋繼之大約侍從遊宴應制之篇居多所稱臺閣體也雖風容色澤競相誇勝未免數見不鮮品彙以太白摩詰揭爲正宗錢起劉長卿錄爲接武均之不愧當家晚唐李義山刻意學杜亦是精麗若夫渾涵汪茫千彙萬狀惟少陵一人而已上韋左相贈哥舒翰謁

先主廟等篇雄渾悲壯譬諸泰岱滄溟高深無際  
品彙推爲大家諒哉後來元白儘多長篇去之霄  
壤

世之稱詩者易言律尤易言七言律每見投贈行

卷七律居半不知此體在諸體中最難工品彙推

尊盛唐未常不當至王李七子而濫矣鍾譚起而

關之然鍾譚無詩也自後雲間陳李諸子關鍾譚虞山

錢收齋又關雲間出奴入主迄無定評平心而論初

唐如花始苞英華未嘗盛唐王維李頎岑參諸公

聲調氣格種種超越允爲正宗中晚之錢劉李山義

漫堂說詩

劉滄亦悠揚婉麗颯颯乎雅人之致義山造意幽

邃感人尤深學者皆宜尋味獨少陵包三唐該正

變爲廣大教化主生平瓣香實在此公惜未能闢

其間闕東坡云天下幾人學杜甫誰得其皮與其

骨然不敢以難而謝之學杜有得卽學蘇學陸無

乎不可

五言絕句起自古樂府至唐而盛李白崔國輔號

爲擅場王維裴迪輞川倡和開後來門徑不少錢

劉韋柳古淡清逸多神來之句所謂好詩必是拾

得也歷代佳什往往而有要之詞簡而味長正難



率意措手六言作者寥寥摩詰文房偶一爲之不  
過詩人之餘技耳

詩至唐人七言絕句盡善盡美自帝王公卿名流  
方外以及婦人女子佳作纍纍取而諷之往往令  
人情移迴環含咀不能自己此真風騷之遺響也  
洪容齋萬首唐人絕句編輯最廣足資吟咏大抵  
各體有初盛中晚之別而三唐七絕並堪不朽太  
白龍標絕倫逸羣龍標更有詩天子之號楊升菴  
云龍標絕句無一篇不佳良然少陵別是一體殊  
不易學宋元以後頗有名篇較之唐人總隔一塵

漫堂說詩

在

六

唐以後詩派歷宋元明至今畧可指數宋初晏殊  
錢惟演楊億號西崑體仁宗時歐陽修梅堯臣蘇  
舜欽謂之歐梅亦稱蘇梅諸君多學杜韓王安石  
稍後亦學杜韓神宗時蘇軾黃庭堅謂之蘇黃又  
黃與晁補之張耒陳師道秦觀李廌稱蘇門六君  
子庭堅別開江西詩派爲江西初祖南渡後陸游  
學杜蘇號爲大宗又有范成大尤袤陳與義劉克  
莊諸人大槩杜蘇之支分派別也其後有江湖四  
靈徐照翁卷等專攻晚唐五言益卑卑不足道金

初以蔡年吳激爲首世稱蔡吳體後則趙秉文党懷英爲巨擘元好問集其成其後諸家俱學大蘇元初襲金源派以好問爲大宗其後則稱虞集楊

載范

持揭

斯

元末楊維禎李孝光吳萊爲之冠前

如趙孟頫郝經後如薩都刺倪瓚皆有可觀明初四家稱高啟楊基張羽徐貴而高爲之冠成弘間

李東陽雄張壇坫迨李夢陽出而詩學大振何景明和之邊貢徐禎卿羽翼之亦稱四傑又與王廷相康海王九思稱七子正嘉間又有高叔嗣薛蕙皇甫氏兄弟稍變其體嘉隆間李攀龍出王世貞

漫堂說詩

七

和之吳國倫徐中行宗臣謝榛梁有譽羽翼之稱後七子此後詩派總雜一變於袁弘道鍾惺譚元春再變於陳子龍本朝初又變於錢謙益其流別大槩如此

余年十二卽奉先文康庭訓從事聲律旋入侍

禁闈側身屬車豹尾間此道便棄後歸故園追隨

侯

方

開

宗

徐

肅

諸君分題拈韻篇什遂多迨筮仕

黃州官衙岑寂頗究心詩學然初接王李之餘波後守三唐之成法於古人精意毫未窺見康熙壬子癸丑間屢入長安與海內名宿尊酒細論又闌

入宋人畛域所謂旗東亦東旗西亦西猶之乎學  
王李學三唐也庚申虔州返命舟泊鄱湖月夜望  
匡廬與兒至作詩話忽有所得阮亭侍郎序余西  
山詩云黃州以前守而未化虔州以後每變愈工  
余愧未敢當足見此道自有實証放翁論詩長句  
云我昔學詩未有得殘餘未免從人乞力孱氣餒  
心自知妄取虛名有慙色末云詩家三昧忽見前  
屈賈在眼元歷歷天機雲錦用在我剪裁妙處非  
刀尺殆先我而言之矣年來平江使院與老友邵  
青門長晨夕揚扞方思就所已造廣所未能而老  
漫堂說詩

已冉冉至念之三嘆戊寅長夏兒致筠心艷父兄  
倡和之樂欲請學詩因書此說付之並記余學詩  
崖畧於末

